

四庫全書

集部

欽定四庫全書

集部  
論學經尺卷七

詳校官中書<sub>臣</sub>沈鵬

助教<sub>臣</sub>常循覆勘

總校官降調編修<sub>臣</sub>倉聖脉

校對官編修<sub>臣</sub>許兆椿

謄錄監生<sub>臣</sub>余肇錫

欽定四庫全書

論學繩尺卷七

宋 魏天應 編選

林子長 箋解

因顯知微格 與後篇夫子之道忠恕論同意

仁知愛人知人如何

蔡順孫

出處

論語顏淵篇樊遲問仁子曰愛人問知子曰知人樊遲未達子曰舉直錯諸枉能使

枉者直樊遲退見子夏曰鄉也吾見於夫子而問知子曰舉直錯諸枉能使枉者直

何謂也子夏曰富哉言乎舜有天下選於衆舉皋陶不仁者遠矣湯有天下選於衆舉伊尹不仁者遠矣

### 立說

仁知之全體至大而難名惟聖人能會之學者不能盡知也樊遲問仁知之時夫子若遽指其全體以告之豈不適滋其惑故莫若即其所發見者以明其所難見者仁知者體之難見者也愛人知人者用之發見者也以愛人之用而明仁之體以知人之用而明知之體夫子告樊遲之

大意如此蓋欲悟其所易知也

### 批云

發夫子善誘之旨明樊遲漸進之學文字有涵蓄有發越自淺入深節節精密可為

式矜

論曰天理不可名也

仁知難知

即其用以名其體則幾矣

即愛人知人之

用以明仁知之體幾近也

夫理之全體為至大本未易以一端盡也

仁知全體

至大難名

然是體之全惟聖人為能會之

暗指孔子能知之

學者能盡知

之乎

暗指樊遲未盡知之

夫其不能以盡知也

連接上不能盡知說去學陳止齋文法

聖

人遽指其體以告之

設使孔子遽然指仁知之全體以告樊遲

豈不適滋其惑哉

豈不甚樊遲之疑惑

是故莫若即其所發見者以明其所難見者

愛人

知人是所發見者仁知是所難見者

何則

喚下意

體之隱於無形者為難見而

發見於用者不可掩也

隱於無形者仁知之體發見而不可掩者愛人知人之用也

今

夫仁也知也

出題字

以其體之全者論之

應體字

則至大而不

可名

仁知之體為難見

自其發於用者求之

應用字

則愛人雖不足

以盡仁知人雖不足以盡知

幹一轉方見得仁知之大處

而仁知之端

則於此乎發見

愛人知人之用為易見

聖人之語學者

孔子之告樊遲

與其

直告之以是體而難名

仁知

孰若姑舉其用以明是體哉

以愛

人知人之用明仁知之體

吁此夫子之答樊遲仁知之間所以有愛人

知人之說

舉本文

不然夫子豈不知仁知之大非愛人知

人所能盡哉

反幹有力亦應前愛人雖不足以盡仁知人雖不足以盡知之意

仁知愛人

知人如何夫子之語遲者如此惜遲之終未達也

指本  
文樊

遲未達亦為後面  
張本得古論體

請嗣論之夫仁知太極之動靜也

周用

子太極圖語太極動而生陽動極而靜靜而生陰一動一靜互為其根又用易繫辭故神無方而易無體一陰一陽之謂道繼之者善也成之者性也仁者見之謂之仁知者見之謂之智議論本此太極之隱

於渾淪者無方可求無體可見人孰得而名之

以太極  
比仁知

說得地位廣大太極之體不可得而知亦如仁知之體不可得而見見上注又用朱文公與陸象山辨太極

圖所可名者雨露之發生日月之昭回耳

仁之用見於  
愛人如天之

雨露知之用見於  
知人如天之日月

謂雨露日月足以盡太極之造化固

不可

如謂愛人知人足  
以盡仁知固不可

謂其非太極之造化尤不可也

如謂愛人知人不足  
以盡仁知亦不可

散而為雨露日月者造化之用

如愛

人知人  
之用

渾而為太極者造化之體

如仁知  
之體

苟不於其用

而觀之則太極之妙果何自而窺其際哉

不觀造化之  
用無以知太

極之體不觀愛人知人  
之用無以知仁知之體

噫知太極則知仁知矣

將太極  
與仁知

打合

古之善言仁知者莫孟子若也

引孟子之  
言為証

而孟子

之所謂仁知亦惟曰惻隱是非之端而已

孟公孫丑上  
惻隱之心仁

之端也云云是非  
之心知之端也

夫惻隱是非豈足以言仁知之極哉



應冒夫子豈不知仁知之大而孟子特以端言之以端

有非愛人知人之所能盡哉愛人知人字端者一性之所發見端者一性之發見愛

見上注見孟子亦謂仁知之隱於性者體也應體而惻隱是非

之發於端者用也應用體不可見而用可見應冒體之

者為難見而發見即用其用以明其體則不可見者可見

矣應破孔孟誨人是或一道也又將孟子與吾讀魯論

一書記門人問答之辭論語序言魯論語二十篇其言

仁者雖不一而足先說孔子與諸弟其於由也寧許之

以千乘之國而不許之以仁

語公冶孟武伯問子路仁乎子曰不知也又問子曰

由也千乘之國可使治其賦也不知其仁也

於求也寧許之以千室之邑而

不許之以仁

同上求也何如子曰求也千室之邑百乘之家可使為之宰也不知其仁也

是

何其重於言仁也

要喚下意

其言知者尤不多見

再說孔子與諸弟子

言知亦非一次

不過曰知者利仁知者不惑而已也

里仁仁者安人知者

利人憲問子曰仁者不憂知者不惑勇者不懼

何其不輕於言知也豈不以仁

之大如天必以天地萬物為一體而後謂之仁

答上言仁意且

說仁之大處伊川云仁者以天地萬物為一體

知之妙如神必至於窮神知

化彰往察來而後謂之知

答上言知意且說知之大處  
史記其仁如天其知如神

易繫辭窮神知  
化彰往而察來

以堯舜之聖猶以為病

語雍也子貢  
曰如有博施

於民而能濟衆何如可謂仁乎子曰  
何事於仁必也聖乎堯舜其猶病諸

以周公之賢有所

未盡

孟公孫丑下陳賈曰周公使管叔監殷管叔以其  
殷畔知而使之是不仁也

仁知周公  
未之盡也

顧可易言哉

以上說仁知至大雖以堯舜周  
公大聖人且未易盡況於由求

諸子夫其平日不易於言

連接上易言二  
字又如貫珠

而一旦於樊遲

之問即舉二語以告之曰愛人曰知人焉

舉本文

又何其

易易耶

應上吁  
易字吁之辭

是殆未究夫子所以言也

歸本  
意蓋

是理之在人心有體則不能以無用

應主意體用二字

體之隱

者非聖人莫能知

應冒體之隱於無形者為難知惟聖人為能會之

而用之顯

者夫人可與知也

應冒發見於用者不可掩也用中庸夫婦之愚可以與知語

體之

渾然者固難輕以語人

應冒與其直告之以是體之難名

而用之粲然

者則亦未始不可語人也

應冒孰若姑舉其用以明其體渾然粲然用朱文公注

太極圖語

矧夫學者之於道其資有敏鈍其識有深淺

謂孔門人

品之不同

敏而深者固易以告語

如顏曾之徒則其資敏而識深

而鈍且淺

者亦豈能使之頓悟哉

如樊遲之徒則其資鈍而識淺本出處注程子曰聖人之語

因人而變化雖若有淺近者而其包含無所不盡  
南軒曰遲之在孔門雖資稟之鈍然亦務實者 若樊

遲之在聖門

正引樊遲來說

明睿不如顏淵

顏淵

悟理不如曾參

曾參固

嘗問仁矣夫子告之以居處恭執事敬而不之悟

且舉樊遲

平時問仁事來說

語子路篇樊遲問仁子曰居處恭執事敬與人忠雖之夷狄不可棄也

又嘗問

知矣夫子答之以務民之義而猶不悟

語雍也樊遲問知子曰務民之

義敬鬼神而遠之可謂知矣

夫舉日用常行者以告之可謂曉然易

見矣

夫子告樊遲仁知之問皆曉然易見

而彼且未能心通而默識

彼且未之

悟使夫子遽告之以天理之全則亦終於不達而已

指本文樊

遲未達應冒聖人遠指大體以告之豈不適滋其感意

是故夫子於此不得不姑

卽其發見於用者以曉之

應冒發見於用意

孰為用

喚起用字云

愛人者仁之用也知人者知之用也

釋本意分曉

有如動一

惻隱之心此愛之形於一念者也

見前注演愛人者仁之用意

然使

樊遲知愛人足以為仁而推之以至於無所不愛則可

以為仁之方也已

應冒愛人雖未足以盡仁而仁之端則於此乎發見人充廣一步說

萌一是非之心此知之見於一事者也

見前注演知人者知之用意

然使樊遲悟知人足以為知而推之以至於無所不知

則亦可以語知之大也已

應冒知人雖未足以盡知而知之端則於此乎發見又

充廣一步說

是則夫子於是理之全體雖言之有所未竟

言夫

子答樊遲之問仁知而遲猶未達再問諸子夏

然由其所已言悟其所未言

言已

者受人知人之用未言者仁知之體

則體用一源顯微無間矣

用伊川語

惜遲

之終未達而猶有子夏之問也

引本文文勢不斷見題注

抑遲則

未達矣

就未達二字轉作結尾

子夏得因樊遲之問發明夫子舉

直錯枉之旨

詳見題注為知者之事

朱文公曰遲以夫子之言專又未達所以能使枉者直之

理非惟達仁知之兩端而且能會仁知為一本

見本題注朱

大公曰臯陶舜之相也伊尹湯之相也不仁者遠言人皆化而為仁不見有不仁者所謂使枉者直也子夏蓋有以知夫子之

子夏其進於樊遲一等矣

此句似貶樊遲子夏之見

兼仁知而言矣

雖然

入轉扶起樊遲文字有抑揚

微樊遲亦無以發夫

子之蘊是亦善學也已

南軒曰樊遲未達疑其未可以盡也夫子復告之以舉直錯枉

能使枉者直言知人之功用如此遲猶有疑而訪之子夏遲之所疑者在他人則亦忽而不之疑也其於師友之際問辨之不置如此子夏聞夫子之言而富之謹論舉舜湯之事以廣其心於此可見知人之為大矣

### 此篇多學後篇文法



因顯知微格 與前篇仁知愛人知人論同意

夫子之道忠恕

林雷震

出處

論語里仁第四子曰參乎吾道一以貫之曾子曰唯子出門人問曰何謂也曾子曰

夫子之道忠恕而已矣

立說

忠恕乃學者之所共知一貫乃夫子之所獨造夫子語曾子以一貫之妙惟曾子知之學者未知也曾子因門人之問不以一貫語之而以忠恕語之者蓋欲學者因其所共知而悟其所獨造也餘並見後注

批云

出入程朱張三先生議論理明文微發越無餘蘊矣

論曰以學者之所共知

夫子之道忠恕

明聖人之所不可知

子曰

吾道一以貫之

非深於道者不然也

指曾子深知夫子之道

夫盡已之謂

忠推已之謂恕

張南軒釋本丈云云

忠為之體恕為之用

朱文公釋本文

云忠為體恕為用實有是體則實有是用又南軒云忠者體恕者用大本達道也

學者苟無志

於斯道則已

學者無意於忠恕之道則已矣

誠有志焉

果有意於此道

其於日

用常行之際豈能有出於此也哉

豈有出於忠恕之外

然以盡已

為忠推已為恕猶待於盡之推之而後為忠恕也

南軒云盡

己之謂忠推己之謂恕夫子之一理渾然而泛應曲當譬則天地之至誠無息而萬物各得其所也自此之外

固無餘法而亦無待於推矣曾子有見於此而難言之故借學者盡已推己之目以著明之欲人之易曉也

聖人之心渾然一理周流乎萬物之間

見上注南軒議論

其在

已也則至誠無息無時而非忠

同上文至誠無息者道之體也又伊川曰以己

及物忠也

其及物也則泛應曲當無往而非恕

同上文萬物各得其所者

道之用也又伊川曰推己及物恕也

由學者而觀聖人

曾子而觀夫子

雖有淺

深小大之不同

與原題相應

其為忠恕則一而已矣

伊川曰聖人教

人各因其才吾道一以貫之唯曾子為能達此孔子所以告之也曾子告門人曰夫子之道忠恕而已矣亦猶夫子之告曾子也又南軒釋本文云道無不該也而有隱顯本末內外之致焉忠恕者門人之

所共知一貫者聖人之所獨造

發出本意見上文注

夫子語曾子

一貫之旨曾子以忠恕明一貫之妙

見上注

使門人因其

所共知而悟其所獨造

使門人因曾子言忠恕之旨而悟夫子一貫之妙

則聖

人之道何必高遠而求之哉

夫子之道忠恕而已矣何必求之高遠

夫子

之道忠恕請申論之嘗謂有學者之忠恕

如中庸忠恕遠道不遠之

說又見下注

有聖人之忠恕

程子曰忠恕一以貫之與違道不遠異者動以天爾又南軒曰

聖人全乎此天之道也曾子所稱忠恕是已賢人求盡乎此天之道也子思所稱忠恕是已

夫理一也

總本文

果有聖人學者之別哉

說

及觀中庸違道不遠之

論

見上注

然後喟然而嘆曰忠恕之道雖不可以差殊觀

而可以小大論雖不可以彼此分而可以淺深論

南軒曰云

見上注程子所謂如百尺木自根本至末梢皆一貫也若隱顯本末內外之致泯然莫別則所謂一以貫之者

亦何所施哉應冒淺深小大四字

是故無伐善無施勞顏子之忠恕也

語公冶長顏淵曰願無伐善無施勞

施諸已而不願亦勿施諸人子思之

忠恕也

見記中庸云

老吾老以及人之老幼吾幼以及人之

幼孟子之忠恕也

見孟梁惠王上云云

上三人皆學者之忠恕

以夫子之忠

恕雖不可以此論

惟夫子是聖人之忠恕

然小者大之基淺者深

之漸也

又應小大  
淺深四字

即小以明大則大者可得而求因淺

以論深則深者可得而見

由忠恕之旨以  
悟一貫之妙

曾子不以一

貫之旨語門人而以忠恕言之

引本  
文

蓋一貫之妙難名

而忠恕之道易知也

發出主意應門人因其  
所以知悟其所獨造意

夫忠之

有恕猶影之隨形也

程子曰忠者天道恕者人道忠者  
無妄恕者所以行乎忠也忠者體

恕者用大  
本達道也

非忠則恕無由生非恕則忠無以見

見上  
注是

故中心為忠盡心為忠

分兩股說此先說忠  
或曰中心為忠朱文公曰盡心

南軒曰

為忠日省月試唯恐一毫之未盡者此學者之所謂忠也

中庸云云

自夫子而觀之

韓歸夫子身上

溫良恭儉見於造次顛沛

之頃

語學而夫子溫良恭儉讓以得之又里仁造次必於是顛沛必於是

忠信篤敬得於

不思不勉之餘

語子曰言忠信行篤敬雖蠻貊之邦行矣又中庸不思而得不勉而中從容中

道聖人也

自志學之年至於從心不踰矩之日

又為政子曰吾十有五而

志于學云云七十而從心所欲不踰矩

道體混融表裏無間斂之而不見

其迹窮之而莫得其際夫子之道亦曰忠而已矣

南軒曰夫

子之一理渾然而泛應曲當是聖人之忠與學者之忠不同又見下注

又指本文此

如心為恕

推心為恕

此說恕南軒曰或曰如心為恕又程子曰推己及物恕也

以已驗物惟恐

推之有所未盡者此學者之所謂恕也

用朱文公語

自夫子

而觀之

幹歸夫子身上

老者安之朋友信之少者懷之

語公治長子路

曰願聞子之志子曰云云

互鄉不必進而進之不以為嫌

語述而互鄉童子見

門人惑子曰與其進也不與其退也鄭曰互鄉鄉名其鄉人言語自專不達時宜

南子不必見

而見之不以為過

語雍也子見南子子路不悅夫子矢之曰予所否者天厭之天厭之朱文

公云南子衛靈公之夫人有淫行孔子至衛南子請見孔子辭謝不得已而見之

綏之斯來動

之斯和

語子張子貢曰夫子之得邦家者所謂立之斯立道之斯行云云

夫子之道亦

曰恕而已矣

指本文此是聖人之恕與學者之恕不同南軒曰而已矣者竭盡而無餘之詞也



夫子之所謂一貫者忠恕也

程子曰忠恕一以貫之

所謂忠恕者

天地之至誠無息而萬物各得其所也

見前注又見下注

至誠

無息者道之體也萬殊所以一本也萬物各得其所者

道之用也一本所以萬殊也

六句全用張南軒議論

學者雖不可

以語此

學者之忠恕雖未便至聖人一貫地位

然忠恕之道則通上下而

言之

見冒頭注又南軒曰中庸所謂忠恕違道不遠斯乃下學上達之義

始焉盡已而終

則無所盡向也推已而今則不待推

張南軒曰盡已之謂忠推已之謂恕

云云自此之外固無餘法而亦無待於推矣

充學至廣下去說謂由學者之忠恕可以詣聖人之一貫

於是則為聖人之忠恕而一貫之理盡在是矣

南軒曰以此觀

之一以貫之實可見矣又見萬殊一本注

然則曾子以忠恕之道而達一貫

之機其妙於啓迪願如是哉

程子曰聖人教人各因其才吾道一以貫之唯曾子

為能達此孔子所以告之也曾子告門人曰夫子之道忠恕而已矣亦猶夫子之告曾子也

應冒語

大

抵悟人者必從其所已知明道者必先其所易諭

又立識論

皆學者所已知聖人所易諭之理如曰孔子之道忠恕先舜之道孝悌

人方病道之難知

而又瀆之以未諭之說則彼有益惑而已

學陳止齋文亦應冒語

且堯舜之道巍巍蕩蕩蓋不可以盡言也

語泰伯子曰大哉堯之為

君也巍巍乎唯天為大唯堯則之蕩蕩乎民無能名焉而孟子以孝悌言之孟子曰堯

舜之道孝悌而已矣由世俗而論之昏定晨省亦可以言孝曲禮云凡

為人子者冬溫而夏清昏定而晨省徐行後長者亦可以言悌孟子徐行後長謂之

弟疾行先長謂之不弟以堯舜之孝悌為止於此則不可以世俗

之所能而謂其非堯舜之道則又大不可也如以夫子之道止於

忠恕則不可以忠恕為非夫子之道則又大不可堯舜之道孝悌而已矣夫子

之道忠恕而已矣就而已矣三字打合得恰好知孟子之言孝悌則

知曾子之言忠恕甚妙謹論

前篇以仁知之體為難知而愛人知人之用為易見  
故孔子答樊遲之問不曰仁知而曰愛人知人者蓋  
欲以其所易見而悟其所難知此篇以一貫之道為  
獨造而忠恕之道為共知故曾子答門人之問不曰  
一貫而曰忠恕者蓋欲以其所共知而悟其所獨造  
也兩篇文意一同

因後知前格 與後篇王導深器謝安論同意

蕭何奇韓信

曾衛龍

出處

前漢韓信傳數與蕭何語何奇之漢王至南鄭信亡何聞信亡自追之居一二日何

來謁上罵曰若亡何也何曰追亡者耳上曰所追者誰也曰韓信云云諸將易得如信國士無雙王必欲長王漢中無所事信必欲爭天下非信無可與計事者顧王策安決王曰吾亦欲東耳何曰王計必東能用信信即留不能用信信即亡矣云云又

見原  
題注

立說

謂蕭何知漢圖天下之大勢以三秦為重當時無一人知之獨信知之數與何言與

之相合此何所以深奇之觀韓信後來告  
帝之語無非以秦之故地為急則知何之  
所以奇之者  
在乎此也

批云

蕭何始之所以奇韓信者言無所考觀後  
來信之告帝首以定三秦為急則知何之  
奇信者以其知大勢與何合也原題便  
從蕭韓二子說去中間文勢最有法度

論曰知所以圖天下之勢

勢字指  
定三秦

而後可以識天下之

才矣

才字指韓信識字指奇蕭何之心在於  
先定三秦而韓信所言與之合故奇之

夫當天下

未定之時

暗指  
漢初

固必得豪傑之才而後濟

暗指  
韓信

然世之

所謂豪傑者

申上豪  
傑二字

其識見議論每與人殊

所見所言  
與他人異

自非為大臣者深察乎天下利害之勢

大臣暗指蕭何應破勢字

而

斯人之見與之不謀而同

斯人指韓信

則亦安能識其英偉

奇傑而拔之儔人中哉

設使蕭何本心不與信言相合豈能知信之豪傑而拔之於衆

人之

方韓信歸漢之初不過一亡卒耳

先挈韓信說韓乃楚之亡卒

當時碌碌未有奇節

用史傳語且說他有何奇處

蕭相國果何所見

而奇之耶

入蕭何來難一難

意何之在漢

解上文

其所以察乎進

取天下之勢者固已甚熟

先定三秦應主意勢字

而信之所言適

契其心

謂信所言亦在定三秦故與何合

是故數與之語而遂以國士

奇之也

數音朔謂之數者非一次也詳見題注

向使何之胷中未有定畫

反應深察天

則聞信之說不疑其大言無當則病其落

下之大勢意

無當不合理之言落落不相入之貌

安能力薦於君而使其盡

酬平日之議論哉

反說奇字大有力詳見題注

蕭何奇韓信請申論

之蓋嘗即韓信登壇之論

本題下文云云王素慢無禮今拜大將如召小兒此信所

以去也王必欲拜之擇日齋戒設壇場具禮乃可王許之

以驗蕭何用蜀之語

蕭何傳臣

願大王王漢中養其民以致賢人收用巴蜀還定三秦天下可圖也

題下便摘出蕭韓言論同處證主意

而知天下英雄之所見畧同焉

三國志英雄之士所見畧同應主意方帝



困於南鄭之時

見本題注

帝固憤鬱不平

謂高祖亦不欲居南鄭又信傳吾

亦欲東耳安能鬱鬱久居此乎

而諸將之計亦莫知所出

抑諸將皆不知定三秦為

急何之勸帝則曰還定三秦而天下可圖

見本題下注

信之告

帝則曰舉兵而東三秦可傳檄而定

見本題下文今大王舉而東云云

二人之論不相謀而相合

見得蕭韓二子言之相合皆以定三秦為急

豈非

皆有見於進取天下之大勢歟

應昌頭

然則何之奇信固

非偶然矣

歸奇字上

何則

設問韓下意

關中之險百二之勢

要敬傳陸

下入關而都按秦之故又本紀田肯賀上曰秦形勝之國也帶河阻山縣隔千里持戟百萬秦得百二焉言

秦地險固二萬人足當諸侯百萬人也

圖天下者之所必先也

此天下利害大勢所

在秦得之而不能守

秦不能守三秦

楚得之而不能居

楚又不能居三

秦是天之所以資漢也

則是天以三秦與漢用酈食其傳語

為漢計者宜

莫先於席卷三秦據殽函之固東向以臨天下

叙傳席卷三秦

關中左轂函右隴蜀沃野千里南有巴蜀之饒北有胡苑之利阻三面而守獨以一面東制諸侯

是其

勢之所甚便者

應勢字

當時羣臣類莫之察

應諸將之計莫知所出

而蕭相國獨深知之

發出本意

想其朝夕之間議論之際

形容

數與蕭何語之時

咨訪搜攬求得夫英雄豪傑之士而圖此駿

功者其志固先定矣

駁功大功也英雄豪傑指韓信應冒頭何察進取天下之勢已熟

意而一時之臣蓋未有副其薦拔之意者

謂諸將

攻城畧

地非無絳灌樊噲之流也

絳侯周勃及灌嬰樊噲皆高帝功臣有攻城畧地之勞

馳說口辨非無陸酈隋何之輩也

陸賈酈食其隋何皆高帝之臣有馳說口

辨之能

然不知天下大勢之所在

應勢字

則尅一城是一城

而已

其功小

降一敵是一敵而已

其功亦小

其於國家大事竟

亦何補

惟取天下大勢在於定三秦說倒諸將

孰謂奇謀遠畧足以成天

下之大功者乃有如韓信者乎今考信之所以數語於

何者雖不可見

本文只言數與何語不言其所與何語者何事

然即其所以告

帝者而推之亦可知矣

因韓信後來告高帝之語皆在於定三秦則知何之所以奇之

者在謂秦將斂怨於民

出處下文且三秦王為秦將將秦子弟數歲而所殺亡不可勝

計謂秦民屬望於漢

下文信曰秦民無不欲大王王秦者

謂項羽不都關

中而都彭城

下文信曰項王雖得天下而臣諸侯不居關中而都彭城

無非以秦之

故地為急

天下大勢在三秦

此其攻取要畧是正何之所深致

意者

何之意在三秦

則何安得不深奇之耶

何之奇信亦在三秦

嗚呼惟

賢而後知賢惟豪傑而後識豪傑

歸在奇字上

信之未遇於

何其羈困無聊甚矣

再叙起何未寄信之初

寄食於漂母受辱於

跨下淮陰之人固不足以知之也

本傳有一漂母哀之飯信漂母注云以水

擊絮曰漂又淮陰少年衆辱信曰能死刺我不能死出我跨下信俛出跨下市人皆笑信以為怯

官不

過為郎位不過執戟西楚之王亦未能知之也

本傳信謝曰臣

得事項王數年官不過為郎位不過執戟執戟注云郎中宿衛執戟

為連敖而不得知名

為都尉而至於遁亡是漢之羣臣亦莫或知之也

本傳項梁

度淮信杖劍從之無所知名云云信亡楚歸漢為連敖云云注連敖楚官名漢王以為治粟都尉上未之奇也

夫人皆莫之知而相國獨知之人皆莫之異而相國獨

異之

總上三股文謂他人不奇之獨何奇之

是必其謀相符意相契有非

常情之所可測識者

應冒不謀而同適契其心等語

觀

其語高帝曰如信國士無雙欲爭天下非信無可與計

事者

詳見題注

推此言也不惟知信足以察乎天下之勢抑

亦知何之能察乎天下之勢矣

發盡主意與前相應

故自高帝聽

何之言用信之策

收效

因反鋒之勢

本傳龍且曰漢兵遠關鋒不可當今齊王

使信臣招所亡城城聞

據建瓴之便

見上注田肯云云秦得百二馬地勢

王在楚來救必反漢

便利以其下兵於諸侯譬猶居高屋之上而建瓴水也建  
音蹇瓴音鈴注云如居高屋之上而翻瓴水向下之勢

也易今年出陳倉定三秦而關中尅復見本明年出秦關

收河南而燕趙青齊聞風而靡詳見本傳用向非蕭

何識韓信於未遇之時則漢室平定天下之勢豈如是

其易哉有蓋嘗論之又立立天下之功者在豪傑用天

下之豪傑者在大臣發本寇恂不見異於鄧禹則征伐

之謀將安所施後漢寇恂傳光武定河內難其守問於

恂文武備足有牧人御衆之才高崇文不見知於杜黃

裳則討賊之功無自而建唐憲宗本紀公卿議者以為

欽定四庫全書

論學編八

十九

知神策軍使高崇文勇畧可用願陛下專以軍事委之以杜黃裳比蕭何以高崇文比韓信由是而

觀則漢之所以定天下者非韓信之力乃蕭何之力也

引前二人証歸蕭何身上謂大臣方能用豪傑雖然非何不足以知信引上意非

高祖不足以知何又歸在高祖身上使何知信之可用而君不

用焉則雖有知人之明何自而見反說使高祖不得蕭何之言則韓信無以

自見今也何言之而帝信之謂高祖信何之薦曰大將則授以大

將本曰設壇則為之設壇古何其從之易其聽之篤耶

喚下意豈非蕭何知信之為國士而高祖亦知何之為人



傑歟

本紀鎮國家撫百姓給餉饋不絕糧道吾不如蕭何云云三者皆人傑吾能用之此吾所以取天下

也

故併及之

歸在人君身上有主

謹論



因後知前格 與前篇蕭何奇韓信論同意

王導深器謝安

李補之

出處

晉謝安傳安及總角神識沉敏風宇條暢善行書弱冠詣王濛清談良久既去濛子

脩曰向客何如大人濛曰此客囊囊威采逼人王導亦深器之由是少有重名

立說

王導晉之元老大臣也謝安晉之少年才子也晉當興午南渡國步多艱外則有羯

胡之交侵內則有權臣之專制導一以雍容閒雅鎮之而天下自定深慮夫繼之者浮躁淺謀興我之所為不相合不足以任天下之重故見謝安於弱冠之年雅量弘識可以維持於異日所以器之於未用之先也

批云

謂王導之所以罷謝安者迹無所考觀後來安之大用一以雅量鎮天下為先則知

導之罷安者以其有雅量與導合也中間文勢得之老蘇管仲論奪胎換骨出來

論曰大臣以已為之事業

謂王導已用於晉鎮以雅量

而期人才於

未用之先

謂謝安未用於晉其雅量適與導合所以深知罷之期字有罷意

其為天下

國家計遠矣

主

夫當天下多事之秋

秋時也用諸葛亮出師表危急存亡

之秋

凡有才者皆在所可取

且閒說

而大臣所見

暗說

顧

必深予其合於已者何哉蓋王業偏安事變迭起

指東晉時

用出師表王業不偏安語

決非浮躁淺謀者所能辦也

浮躁淺謀與鎮浮雅量之

人相

吾能以鎮浮之量而靖之於先

指王導

本傳識

亦必欲得雅量之君子而後可以維持於其後

指謝安

安嘗泛舟風起吟嘯

於此有人焉

指謝安

其議論也雍容

其器識也宏博

見雅量意

是雖未至於建功立業之地

言其未用

而其他日之所成就吾預知其有以措天下國家於治

安矣

言其雅量與已相合可以保其治安

嗚呼此王導所以深有取於謝

安也歟

入得

夫以謝安方弱冠之年而王導已深器之

本題注又記曲禮人生二十曰弱冠

導非私於安也

幹下

導之雅量鎮浮

已足以植立江左之晉

應前唐裴度傳贊江左王導謝安坐鎮雅俗又上注

則

異日之晉其可以輕舉妄動者為之耶

須得雅量之人應浮躁淺謀

語

以其所已為

王導

而期夫人之所未為

謝安

導之為世變

慮者微矣

應破題

不然何其罷謝安之深也王導深罷謝

安請以是論之人才之在天下以一藝自見者是一藝

而止也以一事自見者是一事而止也

以小形大旁映題意

求其

以天下之量而能任天下之重者蓋不多得

歸重本題意孟伊

尹任天下之重

是以為大臣者不患天下之無才常患人才不

足以膺天下之任

貫上  
任字

不患人才之不用常患人才自

小於未用之初

應未  
用字

使夫人之器量適契吾心之所期

暗說謝安雅  
量與導相合

則今日之未用已可以覘他日之大用天

下國家終將賴之

發明  
主意

韓信之未用也蕭何奇之

前韓  
信傳

信亡楚歸漢上未之奇數與  
蕭何語何奇之應未用意

何非為信也蓋為漢也

應  
導

非私安也為天  
下國家也意

張東之未用也狄仁傑器之

唐張東之  
傳武后曰

安得一奇士用之仁傑曰荊州長史  
張東之雖老宰相才也應未用意

仁傑非為東之也

亦為唐也

應導非私安也為  
天下國家也意

使二子而無益於漢唐成

敗之數

反說韓信張東之

則蕭何仁傑亦以庸駕待之矣

反說蕭何

狄仁傑庸常也駕不良也

其所以拳拳於此者

轉正

必有以深契乎吾

心之所期也

應主意

謝安之年少雖未可以二子例論

以安

比韓信張東之

而王導所深器之者實與蕭何仁傑同此心也

導比蕭何狄仁傑

然則論大臣之許予可不于此乎觀之

過本題意

且東晉人才亦不乏也

且說晉時人才之多

顧榮賀循江東之望

而導不之器

王導傳顧榮賀循此士之望不若引之以結人心

桓彝周顗晉朝

之重而導不之器

同上桓彝往見導極談世事還謂顗曰向見夷吾吾無憂矣管仲宇夷



吾桓彛以王  
導比管仲

弱冠之童烏知其足以當大事

題注 謝安從此

設難起

清談之口烏知其可以佐國家

題注 指謝安

而導乃以

堂堂元老之尊而獨拳拳於東山之孺子是何心哉

謝安

傳安始有仕進志將發新亭高崧戲之曰卿屢違朝旨高卧東山諸人每相與言安石不肯出將如蒼生何

而况淮淝未戰指授將帥之畧則未聞

同上符堅百萬次淮淝安指授

將畧各當其任既破堅有驛書至安方對客圍碁既竟了無喜色客問之徐云小兒輩已破賊

新亭未

召從容就席之儀則未覩

新亭見上注又本傳云桓溫大陳兵衛將移晉室呼安及

王坦之欲害之安神色不變曰晉祚存亡在此一行既見溫安從容就席謂溫曰明公何須壁後置人耶溫遂

語笑移日尚書僕射之職未除則鎮以和靜御以長筭亦未

施設其萬一

本傳除右僕射又時強敵寇境安每鎮以和靖御以長筭人皆比之王導而文雅過

之以上用事皆是後來的句句各導果何見而深器

之自弱冠之童至此凡兩難

大臣意向實係觀瞻取舍一偏安危易

位

謂大臣不敢輕於去取人物實係天下之安危

導鎮重人也

見前注轉正意

宜宜

輕於許可哉

見得是

嗚呼吾以是知王導之盛心矣

正發

主何者

設問

典午南渡國步多艱

典午司馬也晉姓司馬本紀童謠云五馬同

渡江一馬化為龍及永嘉中王室淪覆帝與五王獲濟而帝竟登大位焉

外而胡羯之交侵

時五胡亂華

內而權臣之專制

指桓溫等

晉之天下幾不可為

言東

晉時天下多事

導也以雍容處之以清靜鎮之

主意又見下注

彼其識

量清遠弘濟遠猷真以天下國家為已任者

王導傳導為政務在

清靜又少有風鑒識量清遠又拜丞相冊曰朕思憑高謨弘濟遠猷

戮力王室尅復神州

此心未嘗一日釋也

同上每至暇日相邀出新亭飲宴嘆曰風景不殊舉目有江河之異

相視流涕導變色曰當共戮力王室尅復神州何至作楚囚相對泣耶

特以當時事勢前

軒後輕未易支吾

軒輕猶輕重也支吾猶撐拄也

以一輕躁浮薄者處之

豈不殆哉

應冒浮躁淺謀語

今日之天下既能以雅量而措諸

安

王導自  
已如此

則異日之天下亦宜得雅量之人而繼吾志

亦須得人  
自己方可

如得人如安石而用之豈不當於予心乎茲

其所以罷之之深也

惟謝安雅量與自  
已合故深罷之

吁外而胡羯內

而權臣均為晉之患

再喚  
前語

而終不足以患晉者徒以有

導焉耳

有王導雅  
量鎮之

一日無導則彼皆得以肆其志

無導  
則亂

故為晉者不患有內外之憂而患無導

總前內外二  
字再申上意

有

導則內外之變皆可潛消而陰弭之

有導  
則治

今也導復得

其如已者

指謝  
安

則導雖死晉國未為無導也

有謝安在  
與已一般

從有導焉耳起直至此住是此其用心果為謝安乎

抑為晉乎

應非為安也為天下國家也意

與時安之用國

收効

或予之以

文雅之才

注見上

或美之以廟堂之量

晉紀論謝安有廟堂之量

或善

其有以慰天下蒼生之望

注見上

卒之劔符秦百萬之師

於不動聲色之間

秦苻堅注見上  
戰敗也

消桓溫狂悖之心於

優游暇豫之際

注見上

其視禦劉石之寇

王導禦劉聰石勒二寇

平

王蘇之亂者

通鑑晉明帝太寧元年斬王敦成帝咸和三年斬蘇峻

若合符節

言安

之收功與導則

前日之所深鄙者於此驗矣

導之言驗晉之

王業賴以復安推原其由導之力也

歸功王導

昔者管仲相

齊

以管仲比王導

人才非無如仲者

言齊之人亦多

而仲於鮑叔賓

胥無之徒各疏其短

老蘓管仲論仲之書有記其將死論鮑叔賓胥無之為人且各疏其

短見史記

遂使齊之伯業以管仲而興亦以管仲而替不能

儲才為異日用宜其相齊之卑也

儲留也管仲得君如彼其專

公孫丑上

也功烈如彼其卑也

人謂導為江左夷吾由是言之非仲所及矣

溫嶠傳嶠見導曰江左自有夷吾人復何慮也言管仲不能舉人才不如王導之知人

然則王導

之賢愚將求之於古人可乎

抑管仲扶起王導

嗟夫論今而較

之則有餘

揚之

論古而伸之則不足

又抑之

克庸祇德者周

公必進於王以蕃王室殆非王導之所可學

書蔡仲之命蔡仲克

庸祇德周公以為卿士又睦乃四鄰以蕃王室

謂導不如周公之薦蔡仲

文武吉甫以輔

成中興之業者君子亦歸諸張仲孝友之功

詩文武吉甫萬邦為

憲云云侯誰在矣張仲孝友謂王導不如張仲之友吉甫

王導之胷中愚固未知

其涯涘

涯涘窺測之也畧揚之

而深器雅量之人適足以長晉人

清談之風

又抑之見本題注

而終不能洗銅駝荆棘之辱

晉書或指

銅駝曰會須見汝在荆棘中

意者其人非歟

疑人才之非

抑時非歟

疑晉時之

非

秦漢而下君子每恨古人之不復見而復於王尊恨

焉

又扶起王尊大凡論漢唐人才扶起了又抑倒既倒了又扶起方得文字有曲折

亦君子所

不取也謹論

前篇謂何之竒信以信之知大勢與何合

此篇謂導之器安以安之有雅量與導合

兩篇同一意可以參看

此篇係校定正本其間多有改易處



就題去取格 與道術智誼之指論同格

志意德行智慮如何

洪強中

出處

荀榮辱天生烝民有所以取之志意致脩德行致厚智慮致明是天子所以取天下

主意

取荀卿之言志意德行而不取荀卿之言知慮謂聖人之所以有天下者不過正心

脩身而已易嘗窮其智巧竭其謀慮以為強取之計正心包志意字修身包德行字

無他術包

知慮字

批云

正心脩身四字出於大學文字典雅去取極當此時文之最明潔者

論曰聖人所以有天下者

指本出處天子取天下意

自正心脩身之

外無他術也

正心包志意脩身包德行無他術包知慮本意取荀卿之言志意德行而不取其言

智慮天下不可以智術取也

便罵倒知慮不可以取天下

以智術取之

者後世之事

此是戰國以後時事

非聖人所以有天下之道也

聖人取天

下未嘗用智慮

聖人不有乎天下

無心於取天下

而天下卒為聖人所

有

天下自歸

豈他有謬巧哉

不用智慮用漢書韓安國傳語

惟其心無不正

而志之所充意之所發皆極其誠

正心包志意

身無不脩而

德之所存行之所積皆極其粹

脩身包德行

則我雖不求以

得天下而天下自不能不歸於我

應小講起語

聖人所以有

天下者用此道耳

只用志意德行而不用智慮

何嘗曰窮其智巧竭

其謀慮而思以為強取天下之計耶

駁倒知慮之說

況天下不

容以強取

應接題起語

聖人亦何意於取之

應我不求以得天下意

其

所以正心脩身直以為分內事

指志意德行四字

而天下之從

違逆順姑以付之人心之自然

未嘗強取之

至於不得已而

應其所求

應副天下之求我者

不過自其心身者舉而加之

發出主意

孟子言舉斯心加諸彼而已

如將挾是以取天下而且參之以計術

指智慮

則聖人固有所不屑也

謂聖人未嘗以智慮取天下

荀卿子論

天子取天下而歸之志意德行似矣

先取荀子言此四字

胡為繼

以智慮之言

難智慮字

智慮固聖人所不廢也

畧取荀子言智慮二字

然使役智慮以取天下其弊遂流為戰國權謀之習

却罵

倒荀子之說應接題以智術取之者後世之事

聖人豈若是歟

接應題非聖人所以有天下之

道也志意德行智慮如何請與之辨嘗謂得天下有道而

一毫之智術不與焉

道是志意德行智術是知慮離婁上得天下有道得其民斯得

天下矣與去聲

得之有道者惟其求之於心反之於身無所

不用其極

照主意心身字學君子無所不用其極

用大

而天下之人依依然

歸於我

應自天下不能不歸於我

自有推之不能去辭之不能釋者

見我非強取而天下自歸意

此則聖人所以有天下之道也

照破題語

舍

是而詐焉巧焉計慮焉

皆是智慮

思以機奪而術取之

機術亦是

智慮未得之患得之既得之患失之

語陽貨云

膠膠擾擾日戰

天下於方寸中

膠字上聲語出荀子如此則是強取了

而謂聖人為之乎

疑辭謂聖人不肯以智慮取天下

大學一書乃古人平天下之道

舉大學語

來而必曰先正其心先脩其身

本題立說祖此大學云云古之欲明明德於天

下者先脩其身欲脩其身先正其心

荀子所謂志意之脩正心之說也所

欽定四庫全書

卷七

謂德行之厚脩身之說也

先取荀卿志意德行之說與大學之語同

而復拳

拳於智慮之言何哉

難

借曰知之至慮之得

且寬一著說大學

慮而後能得又知之至也

智慮非聖人之所能忘也

與冒頭知慮固聖人所不廢

也相而獨不曰

以下却說大學之言知慮與荀子之言知慮

誠意致知自實

意之外無所用其智

大學欲誠其意者先致其知

止善慮得自至善

之外無所容吾慮乎

同上在止於至善云云慮而後能得

今也於志意德

行之外而使人主而求其所謂智慮

舉荀子之言

則其智也

必流為智巧之智其慮也必徒為計慮之慮矣

智慮之流弊如

此與大學之  
言智慮不同此戰國以詐相高以術相尚者之為而非

聖人有天下之道也  
應冒接題以智術取之者後世之事而非聖人所以有天下之道也

卿也其殆耳濡目染不能不入於譎正之間者歟  
言志

意德行則為正言智昔舜之有天下也  
舉舜實事來講聞意同

天地矣  
史樂書舜樂與天地同意聞德洽民心矣  
書禹謨好生之德洽于民心豈

嘗區區於志慮哉  
舜未嘗用智慮武王之得天下也  
又舉武王實事來講

聞志以道寧矣  
書旅葵志以道寧言以道接聞有不矜細行之戒矣

同上不矜細行終累大德亦豈嘗役役於智慮哉  
武王亦未嘗用智慮夫以舜

欽定四庫全書

卷七

之明武王之睿不可謂非智也

說舜武王亦有智  
典濬哲文明  
洪範思

曰念茲在茲始於憂勤亦非漠然無所慮於天下者

又說

舜武王亦有慮書禹謨  
念茲在茲魚麗始於憂勤

然而察物而不徧

孟子盡心  
先舜之智

而不徧物垂拱而無為

前漢董仲舒策垂拱  
無為而天下太平

聖人非固黜聰

明以為高

智也

而置世故於度外也

慮也

聖人亦未嘗  
不用知慮特不如後

世之所  
為耳

惟其質之於心而無愧

照正  
心字

揆之於身而無慊

照脩  
身字

一念忱實自足以感人心

志意

百行純全自足以服

天下

德  
行

則舉四海之大皆不出於聖人心身之外

包志  
意德



行而吾之智慮亦將與天下相忘於無思無為之中惟

志意德行則智慮亦不必用易繫辭無思無為也

若其私憂過計鑿吾天於智

慮之末而求以此取天下

此是後世之知慮與聖人不問應本出處

則天

下且將不勝其多事矣

智慮

故夫外心身以求治騁智慮

以為功者

後世無志意德行只用智慮

三代以下皆然而戰國為甚

應冒接題以智術取之者後世之事

彼豈不謂一人之智巧足以周天下

之情一已之計慮足以應天下之變

再推究後世用智慮之本心

卒

之力愈勞而取天下也愈艱

智慮不可強取天下

則智慮亦祇以

自樊耳

又何取乎智慮

孰知夫一人之情千萬人之情

杜牧賦一人之

情千萬人之情

鶴鳴子和

易鶴鳴在陰其子和之

此感彼應正係於志意

之所發

歸志意上

盡已而盡人

記中庸盡己之性以盡人之性

君正而國正

孟離婁君

有覺德行四國順之

詩抑篇云云歸德行上

吾惟正吾

正莫不正

之心為無自欺為信以發志而已

大學所謂誠其意者毋自欺也易大有卦

信以發志也

何暇於正心之外而過為是之深謀密慮哉

惟用

志意而已

吾惟脩吾之身為果行育德為庸德之行而

已

易蒙卦君子以果行育德又中庸庸德之行庸言之謹

何暇於脩身之外而強

為是之自作聰明哉

惟用德行而己奚用知巧

誠使志意有所未脩

德行有所未厚

反謂四字

則人必不我從物必不我化

心不正身

不脩則天下必不歸我

情偽不勝其當察也如之何而不用吾智

謂用智巧以取天下者

事變不勝其可憂也如之何而不勞吾慮

謂用謀慮以取天下者

心正矣則不言而信不動而敬

中庸云云

雖智

行無事可也雖無思無慮可也

孟子雖要下智者行其所無事又易繫辭天下

何思何慮

寧復假此以為取天下之具哉

發盡主意

吾故以為卿

之言未免於擇焉而不精也

應舉題貶荀子韓原道荀與揚也擇焉而不精

志意之脩德行之厚

先出志意德行四字

此乃人主當然之事本

非以此為取天下之地

古者聖人用之如此

今而曰此天子所以

取天下已非聖人之用心矣

謂荀子志意德行之言則是而取天下之言未是

況又外是以從事於智慮之間而曰吾將以此取天下

吾知聖人決不為也

古之聖人不用知慮以取天下

天下如彼其大也

人心如彼其不齊也吾將恃吾之智慮以取之多見其

有所窮矣

取天下之說取倒荀卿智慮

孰若正吾心脩吾身而聽天

下之自為去留耶

應主意

嗚呼晉以譎而敗於譎

語十四晉文公

誦而不正

楚以詐而敗於詐

前漢仲舒策五伯先詐後仁義

秦以權力而敗於

權力

史本紀始皇為人貪於權勢誦詐權力四字皆是智慮

智術之不足以有天

下如此

極言知慮之說不足取

君子所以不得不與荀卿辨

辨倒

戰國儒者若孟與荀其著書立言一也

將孟子來比荀子

孟子嘗

謂竭心思以仁天下矣

孟雖婁上聖人既竭心思焉繼之以不忍人之政而仁覆天下

矣而荀卿則謂修志意以取天下

謂孟子言心字與荀子言志意字同

孟

子嘗謂天下之本在身矣

孟同上國之本在家之本在身

而荀卿則

謂厚德行以取天下

謂孟子言身字亦與荀子言德行字同

孟子嘗謂是

非之智充之足以保四海

孟公孫丑上是非之心智之端也苟能充之足以保四海

而憂以天下樂以天下

梁惠王上

亦歷歷為時君道之

孟子歷舉

此言告戰國之君

而荀卿則又謂明智慮以取乎天下

謂孟子言智慮

字亦與荀子之言同

迹其所主者在於取天下則凡正心脩身無

一而非徇乎外者是豈聖人之事哉

謂荀子之言在於取天下則是有心

強於取了不如孟子之言聽其自然

吁此固孟荀之所為異也

判斷二人所言不同

不然何以曰孟氏醇乎醇卿也大醇而小疵

舉韓子之言來斷二

子優劣韓讀荀云

謹論

就題去取格 與志意德行智慮論同格

道術智誼之指如何

趙師標

出處

前漢賈誼治安策天下之命係於太子太子之善在於早論教與選左右夫心未濫

而先論教則化易成也開於

道術智誼之指則教之力也

立說

道與誼正理也術與智不正之理也謂賈生言教太子之道以道居始以術與智居

中以誼居終則是其始尊之以道之正其

中尊之以術智之不正其終又欲尊之以

誼之正其言取而未純殊不思以智術之

說據其中俾之入道未幾繼為智術所勝

則去道愈遠所

謂誼者終失之

批云

去取當理行文有法其止齋之嫡傳歟

論曰明正理以為教者

正指道誼

不可以不正者雜乎其間

也

不正指衛智謂賈誼所言教太子之道始言道終教言誼皆是正理豈可以智術不正之理雜乎其中

諭之道

提起教諭太子是綱領

一本於正而已

道誼

夫苟一本於正

也

學陳止齋文法

則始此正也

指道

終亦此正也

指道

或者介乎始

終之間而即雜之以不正焉

指衛智

夫介乎始終之間而

即雜之以不正

疊上句轉亦學止齋文

則入乎正者未熟是遽轉

移而之他

是衛智

異日望其復入乎正也難矣

是誼

古人為



萬世憑藉之地而教諭之早者

見本題注

恐不若是其駁也

始既曰道中乃曰術與智終又曰誼是駁而不純

且道誼者古今之正理

此是正底

道言必正言行必正行

本題上文太子廼生而惟見正事聞正言行正行

舍道

誼之外他無所謂正者

只是正

賈生不為漢計則已

舉賈

誼言如其為漢計也

轉

則曰道曰誼足矣何必復以智

術而雜乎道誼之中者哉

取其言道誼而不取其言術智中字巧見得道字在始術

智字在中誼字在終

夫始乎道終乎誼而中之以智術則是入乎

道由乎智術而復入乎誼者也

且據賈子先後之言

不思入道未

幾而卒為智術所勝則去道愈遠而所謂誼者終失之

將題中四字判斷

此賈生之言君子謂其駁而不醇也

言術智是與言

道誼是醇

道術智誼之指如何請得與賈生辨 古人教諭

之旨可得聞歟

舉賈子策中所言辨起

曰吾聞其正矣

道與誼

未聞

其不正也

術與智應破題不正字

何則教之以正猶懼不正

言道誼

教以不正其能正乎

術智

甚矣正不正雖兩途

總說道誼而

惟正之足以勝不正也

且說道誼可以勝智術

夫惟正足以勝不

正

申上文

固也

固是如此

然始終之俱正

道居始誼居終

而一有不正

據乎其中

言術與智

則正者反為不正者所勝

道誼為智

且

古今天下之正理孰有出於道誼者乎

鳴出道誼字

教諭之

指而有出乎道誼之外者智與術反勝矣然智術定足

以勝道誼哉

且占強說

惟道居其首誼居其終而智術據乎

其中

發出主意

則始者易搖終者易失其究也道誼卒為智

術所勝

理是如

此賈生道術智誼之指君子惡其教之雜

也

應破題雜字

言道

毋已則三代所以教世子尚有

可考者

畧舉賈子語

其始也入則有保出則有師

記文王世子凡三王

教世子太傅在前少傅在後入則有保出則有師

其中也樂正司業父師司成

同上云云一有元良萬國以貞世子之謂也

其終也大而君臣父子長幼之

倫小而為絃誦干戈羽籥之節

同上云云成王幼周公相抗世子法於伯禽欲

今成王知父子君臣長幼之道也又春夏學干戈秋冬學羽籥云云春誦夏絃

至於禮樂詩書

也釋奠養老也與士庶人同習其習也

記王制樂正崇四術立四教春

秋教以禮樂冬夏教以詩書王太子王子羣后之子皆造焉文王世子凡學春官釋奠于先聖秋冬亦如之又

凡大合樂必遂養老

始乎正中乎正終乎正無非道誼之流行

見得

三代教世子之法皆是正理

伊尹之於太甲周公之於成王是也

並見

高奚其術奚其智不用術與智蓋自春秋戰國之紛紛而智

術之說熾智術起於此此皆權謀譎詐說遇獲禽者之所尚

不取智術之說孟王良云云曰吾為之範我馳驅終日不獲一為之說遇一朝而獲十而豈所以

為教諭太子之指哉智術非教太子之道然嘗謂賈生言智術者

不足責舉本文辨難以智術據乎道誼之中深可責照主意不取智

術之說何則道誼者帝王之正理此是正底智術者伯圖之巧

謀此是不正的今而始之以道中之以智術而終之以誼發明

主則是教之以堯舜禹湯文武始之道也應帝王正理而即雜之

以齊桓晉文

中之術智也應伯圖巧謀

而又欲歸之於堯舜禹湯

文武

終之誼也

其將何所決擇耶

謂賈生之言難

究其極也道誼之

卒孤而智術之卒勝

抑賈子之說

夫道誼本不為智術所勝

又占強說應前語

蓋智術據其中而為主則道誼反為之賓

此智術之所以勝耳

應智術據乎道誼之中語主賓二字有眼目

且所謂道

誼者何也

再喚起二字說

曰非先王之言不敢言非先王之行

不敢行

孝經

希聖賢

周子通書士希賢賢希聖聖希天

心六經

文中子心若醉六經

師古始

史秦人不師古始

皆是也

謂道誼

反是則術耳智耳

出術智二

字 夫仁有術教亦有術孟是乃仁術也智五常之一也仁義

禮智固亦何惡於智術也哉且放深惟清明之初決擇未

定說教太教以道誼吾猶懼其不克舜禹湯文武若也出

誼二若以智術居中用事而道誼反聽命焉又出智術二

則機心之長良心之消也智術反人為之勝天理之微也

術智反他日好猜忌好刻薄好察察而無天地民物之量

常必由之智術之害如此為千萬世付託

之地者若是踈乎言教太子不可用智術嗟夫指之以道矣又指之

以智術指之以智術矣而又指之以誼舉本題四正邪互

戰茫無定向

道誼是正智術是邪

譬之行百里者至五十而迷譬喻切

夫發軔之初路之正也

如始教之以道

至五十而迷則顛冥於旁

蹊曲徑

如中教之以智術

欲返則失其所來欲往則昧其所止終

無歸宿之鄉而已

應終又欲教之以誼應冒入道未幾而卒為智術所勝則去道愈遠而

所謂誼者終失之

賈生道術智誼之指適相似者

證賈生之言遂使

文帝不審於鼂家令

前鼂錯傳鼂錯為太子家令云云皇太子讀書多矣未知術數竟

以成其刻薄之資

景帝天姿刻薄

是當誰任其咎耶

賈子責歸抑論



之

再宣  
本意

教諭之道貴於純乎正

道誼

教之以正莫大於謹

其初

教太子  
之始

蓋一初之天清明不汨

應清明  
之初意

道誼森然

於方寸可與為堯舜可與為禹湯文武

收拾講  
中語

烏知所

謂智術者

知有道誼則  
不知有知術

非不知也無智術之可知也

韓

精神無智術之可知而遽語之以智術

初心清明只知有  
道誼不知有智術

豈可以智術  
之語告之

彼將厭其所未嘗無而貪其所未嘗有矣

初心本無智術今告之以  
智術則知有智術之說矣

雖然智術介乎其中而卒能

自拔於正者吾於漢武乎有取

取漢武帝與  
此題意合

方其即位

表章六經道也

武帝本紀云

中間事土木求神仙好征伐無

一日不由乎智術

三輔黃圖序武帝土木之役倍秦越舊又郊祀志乃作通天臺招徠神仙

之屬又荀悅論武帝窮兵極武百姓空竭

及其術窮智敗本心呈露輪臺之

悔則反而歸之於詎

西域傳下詔陳既往之悔今請遠田輪臺非所以優民也又贊云未

年乃下哀痛之詔豈非仁聖之所悔哉

而帝亦於是乎春秋高矣

謂武帝末年

是可喜也亦可惜也

喜其道詎之得而惜其智術之失

吁賈生之言其

誤於景帝

智術之說誤之

而驗於武帝者歟

始道終詎之說驗

雖然亦

豈願其言之再驗哉

有悠長之意

謹論

前篇取荀子之言志意德行而不取其言智慮此篇  
取賈生之言道誼而不取其言智術是同就題去取  
格





推原心學格 可與朱埴顏淵潛心於仲尼論參看

仲尼潛心文王

林斯光

出處

揚問神篇敢問潛心於聖曰昔仲尼潛心於文王達之顏淵亦潛心於仲尼未達一

問耳

立說

文王處商之窮孔子處周之窮皆遭時之不幸者也然文王之窮則道不在天下而

在於演易孔子之窮則心不潛於堯舜禹湯之數聖人而潛於文王蓋其所同者道

也其不幸而

同者時也

批云

辭達理明發明二聖人之心於千百載之上佳作也

論曰知有聖人之道

謂文王演易仲尼學易是同此道

而又知有聖人

之時

謂文王處商之窮仲尼處周之窮是同其時

然後可以論聖人之心矣

謂仲尼之心潛於文王之易是同此心

夫道統之相傳聖人實宗主之

先提

出道字總說數聖人

然天下不能皆堯舜禹湯之日

此是聖人之達者

而

適遭其變者其遂已於道乎

此是文王仲尼之窮者

達而在上則

行之

指堯舜禹湯

窮而在下則明之

指文王仲尼春秋論達而在上則其

用老蘊

道行窮而在下則其道明

苟不幸而居其窮

文王仲尼處時之窮

則聖人之憂

斯道者雖異世而均此心也

文王處商之窮孔子處周之窮其時雖異其心在於

道則

文王之與孔子其居聖人之窮者乎

應上窮字  
總說兩人皆

處時  
之窮

文王之窮則道不在天下而在易

出主

孔子之窮

則心不潛於堯舜禹湯之數聖人而潛於文王

發出  
主意

蓋

其所同者道也

應前  
道字

其不幸而同者時也

應前  
時字

使孔子

而非文王之時則此心此道固已默契於數聖人耳

數  
聖

人謂禹  
湯文武

而何獨潛心於文王哉

反說  
有力

揚子雲曰仲尼潛

心文王請發其旨且夫精微一理三聖相授吾見聖人

之心也

先提起心字說  
危道心惟微惟精惟一允執厥中又漢董策禹

書大禹謨帝曰來禹人心惟

繼舜舜繼堯三聖相授而守一道

未見聖人之潛其心也

辨難

嗚呼是豈

無所用其心哉

解孟子語

蓋是時

歸在時上來

治化足以相因

道統足以相承而天地生民之經紀未嘗一日不脩明

於天下

謂堯舜禹湯之時達而在上則其道行

夫是以聖人之道有隆而

無污

記檀弓道隆則從而污

聖人之心有相孚之實而無

向慕之勤者

不待潛心

其所遭之時然也

所遇時節好

後之有聖

人之道

有堯舜禹湯之道

而無聖人之時

無堯舜禹湯之時

如文王孔

子其心始有不獲遂者矣

過本題二人來說主意

文王窮於商者



也

丈之窮

孔子窮於周者也

孔之窮

然文王之道既不以其

不行於天下而已於心

應文王道不在天下而在易

則孔子其可以

不丈乎

應孔子心不潛於堯舜禹湯而潛於丈王

美里之囚文王之變亦已

亟矣

且先說文王處時之窮用崇侯之讒乃囚文王于美里通歷紂

而演易之旨

同上

始作周易象象

以闡斯文以極天地萬物之變

丈王在於易之道

文果

何心哉

設問心起

文王之心

答心字

蓋謂吾身可窮而吾之道

不可窮

應前窮字

可使吾之德教終未洽於天下而不可使

天下一日無斯文

謂時可窮道不可窮王之德百年而後崩猶未洽於天下

孟公孫丑文

是時文王之時非昔者數聖人之時

其時雖異

而文王之心

即數聖人之心也

其心則一

特其時有不得已焉耳

緣上時字

洙

泗素王

孔子設教於洙泗之上又左序說者以為仲尼自衛反魯修春秋立素王

素王謂有德無位

也以文王之所以憂道者為春秋慮為萬世慮則其心

欲不同得乎

孔子憂道之心即文王之心

琴有襄

家語辨樂解孔子學琴於師襄

禮

有聃

同上觀周篇孔子至周問禮於老聃

官名有郊子

左昭郊子來朝叔孫昭子問曰

少皞氏鳥名官何也郊子曰吾祖也我知之仲尼聞之見郊子而學之

皆孔子之心也而

其潛不在是也

孔子之心不於此數者

去文王於五百載而聞知

之孟盡心下由文王至於孔子五百有餘歲云云若孔子則聞而知之讚易道於六十四

卦而十翼之見下注又釋文序孔子作彖辭象辭文言繫辭說卦序卦謂之十翼又見易說卦疏

孔子十翼之次蓋自轍環不遇退而脩教書序轍環天下卒老于行云云遂乃定詩

書明舊章云云足以垂世立教而夫子之心潛於重易之聖人久矣揚

明文王重易六爻故夫韋編三絕人見其勤於易也史孔子世家讀易韋

編三絕而不知其所以勤者非易也文王也發出意不在易之書而在

文王之道也仰而思之夜以繼日用孟離婁下全句夫子之於文王

也其亦幸而有文王之易以使斯文之不墜見下注而又

幸有孔子者同此心也

卷七  
發出孔子之心與文王同

文王既沒文不在

茲乎

語子罕子畏於匡曰文王既沒文不在茲乎天之將喪斯文也後死者不得與於斯文也天之未喪

斯文也匡人其如予何

觀此則文而非孔子文王不得其傳矣

反繳

上

故嘗謂禮樂有制志於興周

記明堂周公制禮作樂

則夫子之

夢在周公

語述而子曰甚矣吾衰也久矣吾不復夢見周公

大道不行安可遂

廢

家語云云

則夫子之心在文王

本出處

以夫子之祖述堯舜

憲章文武

中庸

其精神未始不會於數聖人之世

孔之非特潛

於文王一人

觀加我數年之語

語述而子曰加我數年五十以學易可以無大過矣

與

夫吾衰之嘆

上見

誠悲其獨潛於文王者蓋晚而不遇之

思也

孔子之心在此

雖然潛心之說亦揚子雲之言云爾

累責子雲

未知孔子之心

要之由孔子而上求其所謂心者當以傳心論

之

繳盡一篇之意

韓子原道堯以是傳舜舜以是傳禹禹以是傳湯湯以是傳文武周公以是傳之孔

子謹論



推原心學格 可與林斯光仲尼潛心文王論參看

顏淵潛心於仲尼

朱 埴

出處 同前

立說

顏子之學主於靜故其心潛於仲尼謂之潛者悟道於不聞不睹之表契道於無聲

無臭之間吾心之中自有一夫子也使學而非靜則不能默識聖人於一心之微而徒求聖人於口耳之末其去聖人愈遠矣何潛之有

批云

主靜之說得之周子太極圖靜字有潛意亦於顏子身上最切中間發越透徹語意

俱新此時文中之軒轅馱者

論曰以靜為學

靜見顏子潛心處

深於道矣

深造仲尼之道

天下之理

未有不由靜而入

喝起靜字

學而非靜

反說

則膠於口耳形迹

之粗耳

便不能潛心了

賢者之求道

正轉

固惡夫昧昧而尤惡夫

皎皎

昧昧是昏蒙者皎皎是表暴者此二樣人皆是不能靜底

故必主乎靜而後無

入而不自得焉

太極圖聖人定之以中正仁義而主靜又中庸君子無入而不自得焉

靜

者何潛心是已

分曉

心者神之舍

莊心者神明之舍

神者聖之寓

也

孟大而化之之謂聖聖而不可知之之謂神

聖之所以為聖亦心之精神

為之耳

此句本出孔叢子陸象山與朱文公辨太極圖用此一句

吾惟於此

暗說顏子潛心



於仲尼

反照而內觀默通而冥曉

見得是靜方能潛心

悟道於不睹

不聞之表

中庸戒慎乎其所不睹恐懼乎其所不聞

契道於無聲無臭之

天

詩上天之載無聲無臭二句形容潛心於仲尼意

自他人觀之雖若無所識

者

開

而不知默而識之

乃真識之精

合此是潛心仲尼語述而默而識

雖若無所事乎言

開

而不知不言而喻已

造於不容

言之妙

合此是潛心仲尼施於四體四體不言而喻

天天相照

以吾之天契聖人之

天

吾心一聖人也

心中自有聖人

心在是則聖在是

聖人非吾心外物

深造於斯道也固宜

映破

不然舍靜以求道外吾心以

求聖人

反說

吾見其泛泛焉而已

泛泛便非靜了

潛云乎哉揚子

曰顏淵潛心於仲尼意或如此耳嘗謂天下無心外之

理學者無心外之學

字心字講

一心之中蓋渾渾乎其為聖

人也

應冒頭吾心一聖人也

故非潛心則不足以言希聖之事

周子

通書賢希聖

非主靜則不足以言潛心之法

入靜字來

抽千古心學

之關鍵莫如大學一篇

舉大學作證

然統括之妙則在於能

靜之片辭

大學定而后能靜

吾讀魯論如愚一語未嘗不歎顏

子之善於學大學也

語為政子曰吾與回言終日不違如愚

何則

設問

愚非

真愚靜而已矣

愚只是靜  
文有開合

惟玄惟默守道之極

用揚  
子語

靜之體也寂然不動感而遂通靜斯妙焉

周易繫辭  
以上六句學

通書

書之沉潛

洪範沉潛剛克  
高明柔克

詩之潛伏

詩潛雖伏矣  
亦孔之昭

皆

是物也

又舉詩書二  
潛字貼觀

蓋靜則見善明而用心剛信道弘

而執德固

語子張執德不  
弘信道不篤

不矜其博聞而隱然於不聞

之表有真聞不逞於多見而超然於無見之中有真見

應冒頭默而識之乃真識之精不  
言而喻已造於不容言之妙等語

澄其思於退藏於密

之時

易繫聖人以易  
洗心退藏於密

而極其理於精義入神之妙

同上  
精義

入神以致用也

方寸之間空洞瑩徹

用文公語錄

陰陽可以闔闢天

地可以旋轉

說心之大處

而况我心同然之聖人

孟子告子聖人先得

我心之所同然

何彼乎何此乎

言其一也

羹牆見堯非心之外別有

一堯也是心之靜乃真堯也

後李固傳坐則見堯於牆食則見堯於羹

蚤夜

思舜非心之外他有一舜也是心之靜乃真舜也

韓原毀蚤

夜以思去其不如舜者就其如舜者

誠以人心之間何所不有

心之大處

一靜

之外何道不明

靜則可以潛心

苟惟外此而求之

應冒頭外吾心以求聖人

語返已於物

外物

沉真於偽

異端

梏於形骸之內見於肝膈

之上

不求於心

自以為道在是矣

開說合靜以求道

不知機慧巧詐

性之障也刻厲矯揉德之賊也

學陳止齋文

聖人自聖人吾

心自吾心

心與聖人判而為二

道深遠矣何潛之有

心不能潛於聖人了

故

非至明不足以察靜之機非至健不足以察靜之固

又轉

歸靜上來

古之人有顏氏子者其知此

入顏子繫顏氏之子

易

且游乎

洙泗之上而窺斯道之津涯者豈獨一顏子哉

孔子設教於洙

泗之上從游者三千速肖者七十

子路以勇果求是其心蕩而不能靜

語由也好勇過我又由也果

子貢以辯給進是其心泛而不知靜

列仲

尼篇賜之辨賢於丘也能辨而不能訥

冉求以才藝進是其心淺而不克

靜

語憲問冉求之藝文之以禮樂亦可以為成人矣

回也何如

引三子過顏子身上來用語

全論其勇不如子路言其辯不如子貢取其才不如冉

求

綴上文且開說回不如三子

循循而無所異於人默默而無所驚

於世

雖是開說已含靜意

至於合志於冥凝神於獨沈潛靜定默

與道契者

應以靜為學意

則甚非諸子之所企及也

顏子能靜所以勝諸

子之不能靜

然則何如斯可以言潛

設問潛字

好學不倦非潛乎

語雍也有顏回者好學

是其心好夫子之學而已未足為潛也

心之

潛不在此

言無不說非潛乎

先進回也於吾言無所不說

是其心說夫子

之言而已未足為潛也

心之潛不在此

鑽堅仰高服膺勿失非

潛乎

語子罕顏淵喟然歎曰仰之彌高鑽之彌堅又中庸回之為人也擇乎中庸得一善則拳拳服膺而

弗失之矣

是其心慕夫子之善而已亦未足為潛也

心之潛亦不在此

夫潛豈一朝一夕之故哉

再喝起潛字

默通於閭室不睹之

地

以下說靜意出中庸

冥悟於雷聲淵默之間

莊在宥淵默雷聲

探聖

人之心以印我之初心也久矣

應冒天天相照吾心一聖人也

善論回

者

正說本意

不但觀於好學不倦之時

應前

惟當觀於墮體默

聰之日

此是真潛心仲尼 莊大宗師回坐忘矣仲尼 蘧然曰何謂坐忘顏回曰墮肢體黜聰明離形

去智同於大 道此謂坐忘

不但驗之於言無不說之始

應前

惟當驗之

於離形去智之後

此是真潛心仲尼 出處見上

不但求之於鑽仰服

膺之初

又應前

惟當求之於心齋坐忘之餘

此是真潛心仲尼 莊大

宗師顏回曰回益矣仲尼曰何謂也曰回忘仁義矣曰可矣猶未也他日復見曰何謂也曰回忘禮樂矣曰可矣猶未也他日復見曰回益矣曰何謂也曰回坐忘矣又人間世回曰敢問心齋仲尼曰若一志云云虛者心

也蓋道不悟於膠膠擾擾之地而每契於冥冥默默之

中

不悟於動而悟於靜

墮體黜聰是養之以童子之蒙也非道之



源乎

變三肢又再演先肢文 易蒙卦童蒙求我云云蒙以養正

離形去智是恬之

以清夜之氣也非道之淵乎

再演中一肢 孟夜氣不足以存

心齋坐

忘是會於太極渾淪磅礴之天非道之溥博乎

再演後一肢

源溥博四字是影帶潛字

故終日如愚心無時而不仲尼也

又變一樣

文 見前注

三月不違心無日而不仲尼也

語雍也子曰回也其心三月不違仁

步亦步趨亦趨步趨一仲尼也

莊田子篇顏淵問於仲尼曰夫子步亦步也夫

子趨亦趨也

瞻在前忽在後前後一仲尼也

語子罕瞻之在前忽然在後

以上四肢學張文潛進齋記文

力到功深超然領會

學到仲尼地位

豈啻冰釋

而風休雲收而霧霽

譬喻悟道處

鵬搏鯤運吾不知宇宙之

寥闊

出莊子逍遙遊云云

帝驟王馳吾不知古今之廣漠

白虎通五帝驟

三王馳

但見萬象森羅皆吾方寸中之故物

自力到功深至此用奧論

劉和卿論復卦文

果孰為聖人乎孰為吾心乎

應吾心一聖人也

回亦

不自知其潛之之妙也

進一步說潛字

豈惟回不知之雖夫子

亦不知其潛於我也

又進一步說得妙

不然弗如之歎何待於

知十之餘而後覺乎

語公冶長子謂子貢曰云云回也聞一以知十賜也聞一以知二十

曰弗如也

不愚一語何待於退省之後而後發乎

見原題注云云退而

省其私亦足以發回也不愚

吁妙矣哉靜之為學也

歸靜字上

抑嘗讀易

至復而得顏子之學

易繫辭顏氏之子其殆庶幾乎有不善未嘗不知知之未嘗復行也

復之為卦一陽雖萌然其時為仲冬其象為雷在地中

復卦雷在地中復

蓋斯時也木歸其根蟄垺其封

葉落蟄閉之時

正復

動於靜不事生化之時也

復卦正是靜之時侯

而聖人於象辭必

曰見天地之心

本卦復其見天地之心乎

何哉

詰問

吁

答

有以知天地

生物之心惟於閉藏靜定之時可見

指

茲非潛心之學

所本乎

以顏子潛心之學得之於復

聖人贊易獨許顏氏子之庶幾

也以此

見前注

雖然有心者累物衆人也無心者忘物聖

人也

用先輩語

故靜則生樂樂則無心矣

進一步說

簞食瓢飲若

無若虛方寸郁如也

語子曰賢哉回也一簞食一瓢飲人不堪其憂回也不改其樂

人

為盡而天理融機事忘而真性湛隨意所處渾然天成

到此是無心處

前此則賢希聖之事至此則聖希天之境矣

周子

通書語

夫子曰未見其止

語吾見其進也未見其止也

回亦曰所立卓

爾

同上既竭吾才如有所立卓爾

天精天粹萬物作類

出揚子

潛之妙何

所限量乎

其妙如此

嗚呼參乎不敏一唯而忘

孝經參不敏又語里仁曾

子曰

唯點爾何如一問而悟

見語先進

天假之年顏其孔矣

語不

幸短命死矣

孰曰未達一問

繳本出處語

謹論

可與前篇參看



推原題意格 與漢宜損周之文論同意

為治顧力行如何

陳傳良

出處

前漢申公傳趙綰王臧言申公於上上使使迎申公申公至上問治亂之事申公已

八十餘老對曰為治不在多言顧力行如何耳是時上方好文辭見申公對默然

立說

武帝之召申公乃即位初年申公未見武帝之所為如何說他是未見其所以是說

他非未見其所以非不敢輕易告之姑告之曰為治顧力行如何是勉其所自為而

詳察其行事

却徐為之計

批云

從題目如何上起意模寫當時氣象甚工最是講題用武帝許多後來事鋒旋得好

可為  
矜式

論曰士有一旦卒然遇其君者

指申公赴武帝初年之招卒然用孟子卒然

問曰語卒  
勿遽也

未見其趨舍之方

謂武帝初年召申公他未見武帝所為如何

則

亦何以告之

謂不欺輕易說此句如畫圖言其破意活也

馮厚齋批云

徒信而許

之固不可

說他是既未是

徒疑而禁之又不可

說他非也未是開兩端說接

題更不再起與破相連此老筆也他人幾句方說到此

蓋吾誠有見焉

指申公則語

之有故而入之有繇

正說故事實也繇因由也

斯可以切中乎其心

而深動乎其聽

謂申公已見得武帝所為分曉告之方有益彼亦見信

語之無故



而入之無繇

反說

彼將以為卒然之泛言而無益於理亂

者矣

若未見得武帝所為何言何益彼亦不見信

是故君子寧緩言之

歸題

姑勉其自為而徐為之計

指為治顧力行如何一語

申公之始見武

帝也曰為治不在多言願力行何如耳

舉本文

公之意蓋

有待而後言也

只一句繳了更須舉全題方盡善

嗚呼可謂老成慮

者矣是何也

用何也字過原題與冒子破接同一格意味不斷止齊行文法多如此

獻言

於其君莫難於其始

指申公赴武帝初年之召

欲聽言而吾未得其

所以言也

應破未見其趨舍之方意

羨慕之未專趨嚮之未一

武帝初年

之心則其臧否無形而得失無證

臧否猶是非也言未見得武帝所為是非

如而言之不過曰欲如此欲如彼矣

揣摩之論夫莫得其當

而一聽其所擇

由上意又自作議論

此所謂書生之冗談而人主

之所習聞者

罵倒上意

昔者傳說之遇高宗其君臣甚相歡

也

以傳說比申公

而說未始有一辭及當世者

傳說告君之初不敢泛及他事

命之以納誨復之以從諫皆大畧之說也

書說命上命之曰朝夕納

誨以輔台德云云說復命于主曰后從諫則聖此是第一節

及進之以率百官則始

一二而言之

說命中惟說命總百官乃進于王曰云云此是第二節

蓋至於黜祀

之論累數十言而高宗不俟其終篇輒勦其說而有旨

哉之歎

同上云云黜于祭祀時謂弗欽禮煩則亂事神則難王曰旨哉

勦勞也禮記毋勦說初交反

又初教反此是第三節一事作三節說用得活處

然後知說之發誠中矣說非

有懷者猶如是蓋卒然一見之頃

應冒頭

其告語之法如

此武帝之立年猶未冠

後三年正月即皇帝位時武帝年未二十

而其任申

公也臨政猶未期月也

秋七月議立明堂遣使者安車蒲輪東帛加璧徵魯申公

王

恢嚴助之策未施而邀功之隙未開

王恢曰擊匈奴便嚴助發兵救東甌

文成五利之技未售而神仙之好未萌

郊祀志方士更來言神仙事齊人少

翁以方見上乃拜為文成將軍膠東人  
樂大求見言方大悅拜為五利將軍

相如枚臯之賦

未奏而文章之習未勝

司馬相如枚臯皆以賦得幸

張湯杜周桑弘

羊孔僅之徒未並進而賦斂刑法尚文景之舊也

以上數人

皆言利之徒見食貨志

以上四股皆是武帝後來事

只將數个未字幹歸初年意末句長方承得上三句起

此作文之法也

當是時仲舒對策帝為之善則疑於是

董仲舒對策天

子善其對

田蚡用權帝不之禁則疑於非

田蚡傳上初即位蚡以肺腑為丞相

入奏事語移日所言皆聽又薦人或起家至二千石權移主上

出見臧綰與論經術則

又疑於是

本丈上雅好儒術趙綰王臧言申公於上

入見竇后與論黃老則

又疑於非

本紀太皇實太后好黃老言不悅儒術以上疑於是非之說應冒語

公也

指申

公入對之時

以山林耆老一日入對其諫耶勸耶抑匪諫匪

勸而游說之耶

皆疑辭應冒則亦何以告之意

夫其幾冠之年方為

是未暮之政以疑於是非之心而聽勸諫不定之說則

是誠無益哉

只兩語總盡上面許多說話

故豈若從其所自為而詳

察其行矣

應冒始免其自為意指為治不在多言如何

凡天下之事履之而

後見有所試而後可以求其所欲也

應冒子言之有故入之有繇斯可切

中其心之意

使武帝力行之某政善某事得則吾有勸未晚

應勸

某政不善某事有失則吾有諫未晚

應諫

嗚呼老

成長慮顧不輒發也如此

應冒老成

夫當禽而射矢無

虛捨天下之良工也

再引譬如冒子言之有故入之有繇之意

意病以加藥

庸醫為之

如冒子言之無故入之無由之意 兩語錯綜文法最佳

故凡與人而有

言而言不見信者非其料想之說則其嘗試之說也

應

子言之無故入之無繇卒然泛言之意

況人情有其意而無其形吾從而

言之則諱

又出意與形字作議論畧轉作結尾

懷其實而無其名吾從而

指之則逃

皆是議論

孟子一見齊宣遽許之保民宣王不自

諒也易牛一事齊王甘聽焉

孟子見齊宣王云云保民而王同上有牽牛而過堂

下者云云以羊易之

管仲之責楚固巧矣南征不復之事楚終得

以辭之

佐傳齊伐楚楚云云管仲對曰爾貢包茅不入王祭不共無以縮酒寡人是微昭王南征而不

復寡人是問對曰貢之不入寡君之罪也敢不共給昭王之不復君其問諸水濱

無他吾臆之

也

臆者以意度之也一句繳得快

是故臧否無形而得失無證則不

可泛言乎其君

舉原題語

若申公者誠非所謂書生之冗談

也

應原題語收拾一篇之意

謹論

欽定四庫全書



卷七

三



關

欽定四庫全書

卷七

務勸農桑

粟帛之外無異貢

本紀詔曰老者非帛不暖非肉不飽云云今聞吏廩當受鬻者

或以陳粟豈稱養老之意哉具為令其八十以上賜米肉酒九十以上賜帛絮至於法令之苟

且經制之不立稽古禮文之多闕則恬不加意焉

賈誼治安

策禮誼不如法令又經制之不立是猶渡江河亡維楫武帝贊文景務在養民至於稽古禮文之事猶多闕焉

以漢視周周其若是質乎

亦疑辭以質字反形文字

若是質則仲舒

何所見而欲損之也

第二

漢至武帝則六世矣

入武帝講題

建元至元光則七年矣

建元六年元光元年策董仲舒

是時賢良雖舉

以衛綰之言而輒罷也

建元元年衛綰奏所舉賢良或治申商韓非蘇秦張儀之言亂

國政請皆罷奏可

治道雖問以申公之言而頓沮也

本紀天子使使迎申

公天子問治亂之事申公對曰為治不在多言願所行何如耳

詳見前篇注

明堂雖議經術

雖尚以趙綰王臧之獄而復寢也

同上雅尚儒術丞相實嬰太尉田蚡俱好

儒術推轂趙綰為御史大夫議立明堂以朝諸侯與申公議明堂事御史大夫趙綰郡中令王臧皆下獄自殺

然則武帝之文固不見於仲舒對策之時也仲舒何所

見而欲損其文耶

第三難

嗟夫解

仲舒之所見見其心也

非見其迹也

應冒心迹二字

衆人見其迹而始憂之

衆人但知其迹之著

於彰彰者仲舒見其心而逆制之

仲舒則逆制其心之運於冥冥者

忠臣之

事其君如孝子之事其親也

舉

聽於無聲視於無形

逆制

其

仲舒引詩以斷事君之章所謂中心藏之何日忘之

見考經

仲舒則有見焉

見其心術之初

察其聲氣容色之發探其

精神心術之運

應冒聲氣容色之末即精神心術之運

異時窮奢極欲之

事仲舒固已得之於冥冥之中矣

發出主意應冒動一念慮之微皆他日橫

流而不可遏者也

損周之文用夏之忠仲舒豈以人之惑乎我

而不言哉

舉本文

且夫武帝之聲氣容貌可以逆探其精

神心術而推見其未流之事則有三焉

應前語又立三柱議論

蓋

人之常情富貴者其心侈

第一柱

少壯者其欲廣

第二柱

而

鬱積磅礴者其發必震

第三柱

而武帝於此三者則兼而

有之

謂他人但有其一而武帝則具其三

以積世之富庶則其心不期於

侈而侈也

武帝席文景富庶之後其心必至於侈應第一柱富貴者其心侈

以少年之

英銳則其欲不期於廣而廣也

武帝即位年幾二十其欲必至於廣應第二柱

柱少壯者其欲廣

帝好經術而太后反之帝用儒生而太后抑

之則其鬱積磅礴之久又必求以大得所欲而後已也

帝好經術實太后則好黃老帝用儒生而太后則不悅  
儒術二人相反如此其氣必至於發泄應第三柱其

鬱積磅礴者其發必震

夫是三者而有一焉則其勢猶趨於文而

况武帝相遭而相有乎

而况帝兼有三者

當是時也方士之技

未售吾知其必售也

謂文成五利之徒

文章之習未好吾固知

其必好也

謂司馬相如枚舉之徒

太山未封梁父未禪其終有不

封禪乎

武帝封太山禪梁父

宮室未建太學未立其終有不建立

乎

武帝建千門萬戶之宮又立太學

以至詩樂之作音律之叶魚龍曼

衍之設千乘萬騎之備

武帝贊協音律作詩樂又西域傳極曼衍魚龍角抵之戲注曼

衍巨獸百尋是也魚龍者為含利之獸先戲庭畢入殿前激水化成皆魚躍水作霧畢化黃龍出水戲於庭又

欽定四庫全書

論學綱尺

登單于臺勒兵十八萬騎旌旗徑千餘人見之於末流

以上數句說武帝後來之文如此

之後

他人則見其迹

而仲舒獨揭勉強加意以為發端之語

仲舒

策高明光大不在乎他在乎加之意而已指其心術而逆制之

主

惜乎老成

長慮之言不足以動少年英銳之氣也

惜仲舒之言武帝不能聽之

後乎仲舒若汲黯若東方朔若司馬相如

武帝之臣

或直而

質之

如汲黯東方朔皆直諫

或諷而諫之

如司馬相如作諷諭蜀文以諷上

嚶嚶焉

益進其說而冀以救其弊

嚶嚶用孟子語嚶嚶志大言大也

不知仲舒

猶不能塞其源

於其初且不能制之

二三子獨能障其流哉

其後何以



禁之罵 雖然損周之文固仲舒之所以逆制武帝也

申末

上文要 然儉非聖人之中制仲舒中篇之言何為而發

引下意

耶 用仲舒第二策 既防之復啓之閉其一而開其一

損

文之言是教武帝不必文則是防之閉之也儉非 聖人之中制又是教武帝不必儉是啓之開之也 武帝

宜何從焉

從文耶 從忠耶

世謂武帝之多慾基於弘病不廣大

之言

弘黠傳陛下內多慾而外施仁義公孫弘傳弘之

推波助瀾以逢君之惡固不足道

罵倒公孫弘逢君之惡用孟子語 幸

而仲舒之深見遠慮奈何亦為此哉

亦責仲舒儉非 夫

儉非中制仲舒之言要未為過也

又扶起

言之於武帝之

前則與病不廣大之言等耳

又抑倒謂儉非中制之言與公孫弘病不廣大之言

相似皆是教武帝奢侈了

吁弘與仲舒之學俱春秋乎此也

二人俱學春秋

春秋之法君子不敢以責弘

弘不足道不必以春秋之法責之

若仲舒

者豈能逃君子之責哉

以此責舒其將何辭春秋之法責備賢者若仲舒賢者復為此

言宜受春秋之責

謹論

回護題意格 與黃榮孝文好刑名之言論同格

孝文幾致刑措

章 穎

出處

前本紀贊孝文即位云云專務以德化民是以海內殷富興於禮義斷獄數百幾致

刑措嗚呼仁哉注措置也民不犯法無所刑也幾平聲

立說

文帝之心非不欲盡致刑措而至於幾致者以其制於時故也時有所不可所以文帝之仁未能盡推於天下而有缺然不滿之處此班固所以有嗚呼仁哉之嘆也

批云

看班固嗚呼仁哉之贊未必是不滿之語然此篇就幾字起意所以用得滿字說得活動又得仁與時字開闔反覆雖不甚拘常格而文有氣勢老筆也

論曰天下有不容盡之仁

刑至於盡措方是仁

而仁者始負不盡

仁之名

孝文未能盡致刑措只能幾致所以有不盡仁之名

以夫人之為仁

便將仁字

說而天下猶以不盡仁議之

指幾字幾者幾及而未盡之意

非固指其

未至而疵其失也

幹一轉喚下意

誠以有所制於時

主

則雖無

所吝於仁

吝愛惜也與講中靳字相應

而仁亦不能以盡推於天下

是時斷獄數百猶有犯吾法者則是不能盡推此仁

吾憂其仁之大而施之未得

以滿吾意也

暗指班固曰幾致刑措之意

則亦有致其嘆息愛慕之

辭而已

指嗚呼仁哉之意

故善觀夫人之為仁者必求諸其心

暗指文帝又生

固有心欲致之而勢有所格

文帝本心未嘗

不欲盡致刑措以制於勢之有所扞格

君子亦歸之於其時可也

主憲推吾

之仁以包天下

應上仁字

使天下無一人不有以全其父母

之身者固吾之欲也

人人自愛方得刑措贊上欲字

吾以是愛之而彼

不以是自愛

吾推此仁則是愛之彼不自愛是制於時

則吾之仁至此而遂

有缺焉

指幾字

所謂仁者固千百而未仁者猶一二

狀幾字但千百

一二字粗非冒語

欲盡者尋丈而未至者尺寸

狀幾字但尋丈尺寸字亦粗非

冒語

君子固以是為文帝喜而亦為文帝不滿也

以幾字為不滿

班固之為是說也而復繼之以嗚呼仁哉之辭

本文

班固之

意深矣孝文幾致刑措請申論之萬物皆生而一物獨

枯則造化非全功

以天之仁比人君之仁

舉天下皆化而亦有未

化者焉則君子非全仁

人之未化猶麗於刑亦如物之獨枯者危公棣云論中設譬

湏一句比喻一句使實事為上格

君子受非全仁之名固無憾也

幾致刑措

是非全仁之名

以吾仁不得極其所謂大君子於是而有不憚

然

不憚不悅也應不滿字未當用文帝事此下使用文帝事說他仁處

若是常格則此下一臺之

作

未害也而帝謂吾可無臺不可使民無廬

本贊常欲作露臺召

匠估之直百金上曰百金中人十家之產也吾奉先帝宮室常恐羞之何以臺為

一帷帳之文

未過也而帝謂吾可無文不可使民無褐

同上帷帳無文綉以示敦

朴為天

以吾之受恥而使民之保首領

無臺無文則是吾之受恥使民

有廬有褐莫不生全則是保首領

吾寧安於簡陋而一毫亦不費也

只繳

上無臺無文意

推是心以往與造化同功與天地同量未為誇

者

說本心亦欲盡推此仁

而今也

一句引譬

滿堂燕笑未免有向隅之

泣

不犯刑者多則是滿堂宴笑猶有一犯刑者則是匹夫向隅而泣者

海內禮義而斷獄

之數百吏猶有藉手焉

本題注見不盡仁意上一句舉譬下一句用實事說見原題

此非吾之仁至此而有所靳也

應冒無所吝於仁意

吾推之而彼

則拒吾授之而彼則不受

應冒吾以是愛之而彼不以其自愛

使吾不得

以全仁名者

說幾字

是彼也

在人而不在我 時字看他紆餘委曲處

而亦

有由焉

却歸時字轉得又軟全與後篇有由也格致一般

一陽之生也

再舉譬

冬

而春始敷一雨之降也朝而暮始溢

舉此為譬方切時字亦見文勢難容

前輩所謂做論不可多劫撮是也

且以文王之德百年猶未洽於天下

見孟子

文帝何議哉

惜周形漢更不再用漢事只輕輕綴入本題

文王之仁由

絲而綸由綸而綽

記緇衣王言如絲其出如綸王言至如綸其出如綽言因小至大也



受之時

商王名受

環妹土之疆者皆文王之仁也

妹土地名紂所都之

地自子來之後以至於大賚悅服之日亦幾年矣

歸在時上

詩靈臺經始勿亟庶民子來又書武成大賚于四海而萬姓悅服

而今蠢茲不靖之變

必至於痛懲而僅定

書大誥西土人亦不靜越茲蠢

圉空之美號不式

之極功幾少疵焉

入刑措意前董仲舒策成康圉圉空虛四十餘年又成康不式四十餘

年天下不犯

則夫繼不勝弊之後而接乎倥傯不及用力之

地者始有辭於天下矣

指文帝史高祖贊漢承秦弊又倥傯不暇給注倥傯苦也

是以古之有天下者

再起議論

常畏夫驟合而患夫無以善

其後也

歸時字上

則夫他日之難有不如今日之易

時不常也

而

一時之矜喜曾不足以償後日無窮之憂

時難保也

秦之染

未洗也

秦舊習之汗未洗去

而漢之漸猶淺焉

漢之教化漸漬猶未深

藉使

成康居之正恐難以盡其仁而求備於文帝也可乎

應制

於時意照應上周事把成康來形容文帝回護得好

肉刑古之制也

只此一事說刑用得最好

若不用此一事則是無論腹了

在帝未得專去在漢亦未可輕去

言刑是一

簡重事

妄一女子開說而從之則專去不暇恤輕去不暇

恤

本紀齊太倉令淳于意罪當刑其少女緹縈上書曰妾父為吏齊中皆稱其廉平今坐法當刑妾傷夫死

者不可復生刑者不可復贖雖後欲改過自新其道亡  
錄也妾願沒入為官婢以贖父刑罪使得自新天子悲  
憐其意詔  
除肉刑 嬰兒叫號而隨之父母之懷亦誠有不及他

顧者

譬喻切  
言語好

吾寧受變古之責而終不能恕然於人之

父子之至情

肉刑乃三代之法而文帝去之是受變古  
之責從綬縈之請而救其父是不能恕然

於人之父  
子之至情

然史之所稱且止若是

舉本文幾  
致刑措

帝之資則

是

應冒心欲  
至之意

而其遇則非也

應冒勢有  
所格意

大抵心於愛天

下者一身之名非所計

負不盡  
仁之名

所屈者寡而所就者大

也

屈一人以  
利天下

以制度之脩則曰未遑

賈誼傳誼以為漢  
興二十餘年天下

和洽乃草具其儀以奏  
之文帝謙遜未遑也

以禮文之事則曰猶缺

武帝贊文景務

在養民至於稽古禮  
文之事猶多闕焉

至於刑措之美亦曰幾致

本

是亦

無一足以快人意者

不滿之意

孰知帝之屈於名而天下之

伸於實邪

文帝受幾致刑措之名而天下受殷富之實

武帝作意為之而天

下非復前日矣

說武帝只一句他人則要一段矣

噫王者必世而後仁

善人為邦百年而去殺

見論語皆從時上生來

惜乎文帝之

仁自文帝而始亦自文帝而止也

貶武帝不能繼文帝之仁

不然班

固氏宜無憾於此也

指嗚呼仁哉反綴有力

謹論

回護題意格 與章頴孝文幾致刑措論同格

孝文好刑名之言

黃 榮

出處

前漢儒林傳孝文  
本好刑名之言

立說

文帝本好儒而班固乃以好刑名稱之宜  
文帝之本心哉蓋是時儒者所好猶未脫  
刑名之故習文帝惟知儒者之可好不知  
儒者之所好又在刑名使文帝不得以好  
儒名者庸非  
儒者累之乎

批云

看文帝氣象亦非好儒者但謂之好刑名  
則太過此篇一力為文帝出脫謂好儒乃

文帝之本心刑名乃儒者之習  
尚文意大有發明真妙論也

論曰自儒者為習尚之累

漢初儒者多學刑名

而後賢主始負不

好儒之名

文帝但知好儒不知儒者學刑名之學所以得好刑名之言之名

夫人主意

向之所形

指好字

他日之名實定焉

名實二字是一篇經緯

間有好

儒之實不得遂其好儒之名

暗指文帝

此豈得為人主之咎

為文帝出脫生下意

蓋自仁義之學不傳而異端之學始勝

刑名之習

此其風聲議論雖儒者不能以自免

謂漢之初儒學刑名

有如人

主天資寬厚

指文帝

不幸而當儒道晦蝕之餘

是時儒者不傳仁義

而習刑名

苟得一二儒者之言論以慰其所欲也未暇擇也

舍文帝聽賈誼鼂錯之言

然所好之實方在此

我之所好在儒

而名則或出

於彼

儒者之所好又在刑名

吾惟知有好儒而不知儒者之所好

申上文他日發出主意

名實之不辨

應接名實二字

使吾不得以好儒名

者庸非儒者累之乎

主意分曉

漢文帝用儒之主也刑名之

學決非帝所好者

帝本心如此

班孟堅以好刑名歸之

舉本文

豈非漢初諸儒未脫故習

習刑名者

言論之際一動文帝之

聽

謂賈誼鼂錯等

則帝亦不能逃其名矣

謂二子學刑名之學而文帝聽其言所以

得好刑名之言之名

噫帝本好儒而卒至於非所好

應主

其亦不

幸也已

不幸與後面相應

孝文好刑名之言請得以原文帝之

心焉嘗謂儒術之與刑名曉然如白黑之易辨也

謂二者判

然不同

此不待智者知之

人皆知之

三代而下人主天資苟不

至於盡壞者又孰肯舍此而從彼哉

誰肯舍儒術而從刑名

置思

軻仁義於迂闊之地

子思孟軻談仁義

唱申商名法於橫流之

中

中不害商鞅談刑名

世固有之矣

世固有舍儒術而從刑名者

安可以有待

文帝乎

文帝則不好刑名

昔之議者亦以高帝為不喜儒之主

難之

酈食其傳沛公不喜儒諸客冠儒冠來者輒解其冠溺其中溺字音尿去聲

吁帝豈真不



喜儒哉

為高帝解

特未免為腐儒累耳

同上腐儒幾敗乃公事

干戈未

定過魯祠孔子不可謂不知儒也

本紀十二年十一月行自淮南還過魯以

太牢祀孔子 學孟子不可謂不智也

叔孫儒者委以制禮可謂不用儒

乎

叔孫通與弟子共起朝儀為綿蕞野外習之又本紀叔孫通制禮儀 學孟子可謂不智乎

新語

一奏隨即稱善不好儒者能之乎

陸賈傳時時前說詩書云云凡著十二篇

每奏一篇帝未嘗不稱善號其書曰新語又本紀陸賈造新語 學孟子謂不賢而能之乎

屈一日

之名喪千古之寶

應冒名寶字

世儒議論每每如此

繳上意 高

帝之不得以喜儒名者君子固為高帝惜

引高帝要過文帝來 况

夫有好儒之實而反有好刑名之名君子又安得不為

文帝辨

入文  
帝講

且文帝何如主也其真好儒耶

疑辭

抑好刑

名耶

疑辭  
雙下

謂其好刑名

喚起上  
文難

則二十三年之治以仁

言以德稱

文帝即位二十三年專務  
以德化民又嗚呼仁哉

若以為真好儒

喚起

上文  
又難

則此言又奚為至文帝哉

謂文帝好  
刑名之言

吁有由也

要歸

本意與孝文幾致  
刑措論同格致

天下之事有其實固不得辭其名

應名

實字謂有不好儒之名而疑似之可議者是必夫人之有

以累乎我

謂文帝為儒者  
學刑名所累

爰自申商之習一熾于秦

申不

害商鞅尚  
刑名之學

世之以士自名者非刑名不學也

言是時儒  
者皆學刑

名漢氏之興人主苟不用儒則已

反說

儒非斯人之徒與

而誰與

學論語吾非斯人之徒與而誰與

武夫鄙人椎朴少文既不足

道

如灌嬰樊噲之徒

其間大儒如伏生之流則老夫耄矣又無

以發明儒學之功

尚書序濟南伏生年過九十失其本經口以傳授云云謂之尚書老夫

耄矣用左傳語

幸而舉朝唯一賈生

賈誼事文帝學刑名之學

百餘人中惟

一鼂錯

鼂錯事文帝亦學刑名之學

則文帝安得不欣然以為儒而

用之

當時儒者無出此二人帝安得不喜而用之

夫欣然用儒文帝之好則

審矣

申上文

豈意帝之所好反為帝累耶

為學刑名為儒所累

自今

觀之禮義廉耻之言

賈誼治安策上設廉耻禮義以遇其臣

治國大體之

論

鼂錯對策曰明於國家之大體臣以古之五帝明之

使二子平日所以告帝者

盡出於此則孰敢以刑名而議帝

謂上二語純正不是刑名之言

惟夫

申韓故態未盡脫去

申商韓非學刑名者而二子皆學之

權勢法制刑名

術數時發見於言論之末

賈誼策權勢法制人主之斤斧也又鼂錯上書皇太子已

讀書多矣而未深知術數者不開書說也此等言語皆是刑名之學

遂使後世徒見帝

之所信用者不出二子

賈誼鼂錯

顧以帝為真好刑名之言

帝但知好賈鼂二子之儒者不知二子尚刑  
名之學遂使後人以文帝為刑名之言所好  
嗚呼帝豈

真好刑名者哉  
為文好儒者文帝之本心刑名者漢儒

之習尚  
發盡本心不白  
帝好儒之本習尚為累  
為儒者

所漢儒則有罪矣  
罪歸在漢帝何尤焉  
於帝且帝本好

儒尚不免好刑名之譏  
漢儒身上籍使盡聽二子之言  
賈

鼂取其所謂權勢法制刑名術數者而盡施行之  
收前

幹後日之論殆不止是  
後人又不止以好然則帝真不

幸矣  
應冒不厥後武帝以雄才大畧之資  
見本朝夕所

從事者見知故縱監臨部主而已儒者何有焉

前刑法志孝武

招進張湯趙禹之屬定律令作見知故縱監臨部主之法注云見知人犯法不舉告為故縱而所監臨部主有

罪并連坐也

特其蘇張縱橫之學已罷

本紀建元元年衛綰奏所舉賢良或治申

商韓非蘇秦張儀之言亂國政請皆罷

董仲舒公孫弘之徒習尚稍純

武帝

贊儒雅則董仲舒公孫弘

而班固儒林一序乃大不滿於高惠文景

之世

謂四君不好儒

獨於武帝三嘆焉

謂武帝好儒

吁武帝本無好

儒之實而顧得重道之名文帝當得好儒之名而反受

好刑名之實

以武帝反形文帝應前名實字

儒生習尚闕於君德多矣

名實相  
關係

天下之事幸不幸大抵如此

幸不幸亦應冒語

良可嘆

夫吁

嘆息

謹論





因古思今格 與老莊管孟立意論同意

莊騷太史所錄

方澄孫

出處

韓文進學解周誥殷盤屈曲贅牙春秋謹嚴左氏浮誇易奇而法詩正而葩下逮莊

騷太史所錄

立說

謂文體之工自文法之變始莊子之文易之變也屈原離騷之文詩之變也司馬遷

史記所錄尚書春秋之變也然文以變而工其去道已遠古者之文正不貴其變也

批云

議論出自胃臆筆力雄健前無古人老作也

論曰文體之工自文法之變始

莊者易之變騷者詩之變太史所錄乃尚書春

秋之變愈變而愈工知道者於是乎有所感焉知道指韓愈謂莊騷

太史所錄之文愈變而愈工去聖經之道愈遠故韓愈有感而言之夫文之正者無奇無

奇則難工

正與變相反無奇與工相反正則無奇變則愈工

世之君子爭為一

家之奇言

暗指莊騷太史所錄

則其法不容以不變

欲奇則必變

變蓋

多正益遠工亦益甚

變則不正而愈工已寓容嗟嘆惜之意

蓋自六經而

下惟莊騷太史為最工

先拈出三家之文工

有志於文者類喜言

之

暗指韓愈有志於文而稱其工

雖然莊者理義之變也

莊子之文易之變也理義

字只是替易字冒未敢使用易字恐太暴騷者風雅之變也

雖騷之文詩之變也詩有國風

大雅  
小雅

史記者尚書春秋之變也

尚書古史也春秋魯史也而史記者二史之變

也不變則不工矣

反應  
破語

噫文以變為工於其道奈何哉

三家變六經之文雖謂之  
工其去聖人之道愈遠矣

然則尚論三家之文者喜其

工而悲其變可也

綴結  
小意

韓愈氏號為知道者獨不有

感於此乎

應破  
語

莊騷太史所錄請言其旨且夫世之議

三家者吾嘗聞之矣

且開  
說起

曰漆園之文偉其失也誕

莊周

嘗為漆園吏謝靈運詩漆園有傲吏又莊子天道篇於  
是莊周聞其風而悅之以謬悠之說荒唐之言此便

是靈均之文深其失也怨

史屈平傳屈平作離騷蓋  
自怨生也此便是怨司

馬父子之文浩博閎肆其失也豪

司馬談司馬遷又進學解可謂閎肆其中而

肆其外矣本贊又其是非頗繆於聖人序遊俠則退處士而進姦雄此便是豪以上三句學穀梁子序文左

氏艷而富其失也誣穀梁清而婉噫嘆惜亦孰知其不其失也短公羊辨而裁其失也俗歸正

誕則不偉不怨則不深而不豪則不足以發其浩博閎

肆也哉

應冒愈變則愈工意

夫太羹玄酒味之正也

唐駱賓王傳韓休之文如

太羹玄酒有典則薄滋味雲門咸韶音之正也

雲門大咸大韶皆古樂名以上二句比

古人之文如此三家者負其詭異傑特之才不安乎正而必出

乎變

謂莊子屈平司馬父子三家變古文之正體

力掃世俗之塵腐而為千

百世言語文字之宗祖

變則愈工

其用志亦良苦而自成一

家亦良可喜矣

應冒喜字文字有抑揚有起伏

然昔者吾孔氏非其無

三家之才也

以孔氏之文言其正而不變形三家之文變

六經之文不敢出

一毫意見於法度之外端簡嚴重如老成人而萬世之

能言者莫加焉

正而不變

然則文之工者政不必變乎正而

後工也

應冒子承題文之正者無奇

若三家乃必欲變之何耶

設難

彼

誠見夫理義者聖賢之正論也文必本乎理義則淡薄

無味根據不浮不足以搜奇而獵異矣

文如易之正論則無奇

風

雅者詩之正聲也文必類乎風雅則寂寥希音簡朴無

華不足以誇多而闢靡矣

文如詩之正聲則無奇

尚書春秋者史

之正例也文必法乎尚書春秋則謹嚴太過繩尺甚苛

不足以騁才而肆志矣

文如尚書春秋之正例則無奇以上三股推原三家變文體

之意

今觀莊氏之文架虛行危凌高厲空逍遙齊物等篇

廣譬博喻而雜恢諧戲謔之辭使人心廣神馳如從至

人而游六合之外也

逍遙遊齊物論並莊子篇名此所謂漆園之文偉

屈子之

文孤芳獨潔含譏隱刺卜居漁父等作悽切感悅而文以

忠愛惻怛之旨使人志銷意沮如行墟墓而聞秋蛩之

鳴也

卜居漁父並楚騷篇名此所謂靈均之文深

予長之文浩浩乎洋洋乎

自本紀至列傳採擷擗撫而駕以雄渾雅健之筆使人

氣踈才涌如入太廟而觀禮樂器也

司馬遷字子長史記自本紀至列傳

凡百三十卷此所謂司馬之文浩博閎肆以上三股形容三家之文

可謂工矣

一句總結上三

股且說三然使質諸知道君子之前則謂此變也而非

正也

轉歸主意應破語

荒忽虛幻理義之所諱也

應上莊者理義之變其失

也褻嫚簡傲風雅之所棄也

應騷者詩之變其失也怨

詭怪奇特尚

書春秋之所不取也

應史記者尚書春秋之變其失也豪

夫六經無文法

也

陳止齋文三代無文人六經無文法文之正者無奇

今也文體之工乃出於

文法之變

應破題

則是學不足以知聖人之用心而終身

自列於言語文字之流工於文者果三家之福哉

說盡三家

之失謂其文不近聖經之道雖工何益

故曰知道者於是乎有所感矣

應破

語

韓愈氏固自許以知道者

照冒子語

進學之作平生用力

淺深次第歷歷可見

就題出處說來

盤詰也詩易也春秋也

本引

文商盤周詰屈曲贅牙春秋謹嚴左氏浮誇易奇而法詩正而葩主意本出處上文有此語

皆嘗含



其英而咀其華趨向正矣

出處下文沉沒醲郁含英咀華

而必下逮於

三家何歟

設難

豈因易而有感於莊之變

莊者易之變易理義之書冒用

理義字至此方說出易字

因詩而有感於騷之變

騷者詩之變

因盤詰

春秋而有感於史之變歟

史記者尚書春秋之變上三句發盡主意又有委折

以

抑方喜其體之工而忘其正之已變歟

應破語

愈之為學

識者固嘗議其失端緒矣

抑韓愈

觀其所作怪怪奇奇

韓送

窮文大率南華之步驟

謂愈送窮之文倣莊子之南華經

而羅池一碑毛

穎一傳

羅池廟碑又毛穎傳皆韓文之奇者

視楚江之些序贊之筆必欲

極力而模倣之

謂愈碑傳之文學離騷之些辭史記之紀錄些音噪哀辭也騷辭每句以一

些字嘆於句終

蓋其文僅足以變王楊之陋而不足以正莊騷

太史之變

唐文藝序唐文章三變始於江左餘風王楊為之伯立宗稍厭雕琢崇雅無浮燕許擅其

宗太歷元和間韓愈唱之排逐百家法度森嚴唐文三變變為王楊再變而為燕許三變而為韓柳王勃

楊炎又況子雲相如之可喜可慕者日陳乎前有以誘奪

之歟

出處下文子雲相如同工異曲以上繳盡講中意謂韓愈之文亦出於變而不得其正異時

因文以見道原道中數語君子許焉

韓愈作原道川謂原道中數語

見道分明

然後世終不以為得六經孔孟之正傳者

先揚愈之知道

後却又抑愈之不能傳道蓋愈之學雖正而其文終出於變則亦秦

漢而下之文雜於其心足為之累者多耳

不出於正而出於變故其

文如此說盡韓愈平生

噫學至韓愈文至莊騷太史而終不足以

近道

交合繳結應主意道字

則有志聖賢之事者安得不重有感

於斯

應破語有一倡三嘆之音自首至尾無一語蹈襲可貴也哉

謹論

此篇格致雖與後篇同然此論是褒韓愈為知道後篇是貶蕭統為不知文不可不知



因今思古格 與莊騷太史所錄論同意

老莊管孟立意如何

吳季子

出處

文選梁昭明太子序老莊之作管孟之流以立意為宗不以能文為本

立說

後世文人有心於為文而其文益陋如古人之為文未嘗有心於為文而自不能以不文蕭統議老莊管孟四子之文而謂其立意為之則是有心於為矣以文而待四子且不可況又謂之立意乎其說陋矣

批云

風之與水無意於相求不期而相遭而文生焉此天下之至文也此論似之

論曰有心於為文後世之陋也

有心指立意字謂立意以為文後世文人之卑

陋也以是而議古人則滋陋矣

老莊管孟四子未嘗立意為文蕭統以立意言之其

說愈早

何則文不可以有心為也

文不可以立意為之

而況於古人

之文乎

暗指老莊管孟四子

古人未嘗有心於為文也

四子未嘗立意為文

而不能以不文者

自然有文衆文見題下注

用老

何哉

設問

蓋抱負於

中而有餘則洋溢於外而不自覺

用蘇子由文其氣充乎其中而溢乎其貌

動乎其中而見乎其文

固有未嘗規規然用其心

未嘗立意

而自然脗

合乎律度者矣

自合文章之法度脗合出莊子

若曰雕琢冑襟布置

程準而可以為文則其文固不足觀矣

若立意為文則不足為文况

可持此而議古人之文乎

豈可議老莊管孟  
四子立意為文

老之簡也

老聃之  
文簡畧

莊之放也

莊周之  
文放蕩

夷吾之精確

管仲字夷吾  
其文精確

而

孟氏之辨博也

孟氏名軻  
其文辨博

皆所謂洋溢於外者耳

此四  
子之

文發見於外者  
見接題下注

夫豈用心之可到哉

何嘗  
立意

後世以來始

有用心於為文者矣

江左以來始  
立意為文

心益苦而文益陋無

足怪也

陋字應  
破題

蕭統淺狹之見

蕭統集  
文選

乃謂莊老管孟

氏之書所以不可及者以其立意之精到耳

引本  
題

噫

嗟  
嘆

文而出於有意固已不足為文矣

有心於為  
文則陋耳

而況老莊

管孟氏之書又可以文論乎

又進一步說四子之書且不可以文論況可以謂立

意為之乎

有是哉統之陋也

學論語句法有是哉子之迂也陋字應破題

老莊管

孟立意如何請試論之聞唐人有言文以意為主以氣

為輔

杜牧之云云

文之尚意也明矣

且放開說

亦孰知夫無意於

文者乃天下之至文乎

主意

今夫水之為水未嘗有文也

風一過之則激而為澎湃蹙而為淪漣委蛇起伏千態

萬狀而水之極觀備矣此固天下之至文也

蘇老泉文甫字訖且

凡嘗見夫水之與風乎油然而行澗然而留停洄汪洋蒲而上浮云云今夫風水之相遭乎大澤之陂也紆餘



委蛇蜿蜒淪連安而相推怒而相陵云云磅礴洶涌號怒相軋交橫綢繆於乎虛空掉乎無垠橫逆折瀆旋傾側宛轉膠戾云云殊狀異態而風水之極觀備矣故曰風行水上渙此亦天下之至文也 風之與

水曷嘗有意於其間哉

同上文此二物者豈有求乎文哉無意於相求不期而相遭而

文生焉是其為文也非水之文也非風之文也二物者非能為文而不能不為文也人而能知風

行水上之文然後可與論文矣

打合了知水之文則知人之文

蓋嘗

觀江左諸人如顏謝輩苦心極力常患不足以名家

如顏

延年及諸謝皆能屬文此是有心於為文者而歸去來一辭乃自柴桑翁肺

腑中流出

陶淵明居於柴桑里作歸去來辭又見下注此是無心於為文者

唐之沈宋

研揣聲律愈趨愈下

唐書杜甫傳

宋之問沈佺期等

此是有心於為文者

而盤谷一序昌黎子於杯酒談笑間得之

愈

封昌黎伯作送李愿歸盤谷序

東坡志林晉無文章惟韓愈送李愿歸盤

谷序此是無心於為文者

文其可以有意為之乎

反應文不可以有心為也意

異哉蕭統之論文也其曰立意為宗者何其待古人之

薄乎

引本文

自六經不作而諸子興斯文也下衰矣

文

古然其出而著書立言者猶非有意於為文也

應冒子古人無

心於為文者

今觀上下經之文則寂寥簡淡太羹玄酒之味

也

老子著上下篇言道德之意五千餘言 唐駱賓王傳韓休之文如太羹玄酒有典則而薄滋味 觀

內外篇之文則宏放豪邁天根月窟之遊也

莊子南華真經內篇

凡七外篇凡十五 朱文公贊 讀牧民治國之章其恢

偉巨麗獨不如入猗陶之室而見其經理井井有條乎

管子有牧民治國等篇 陶朱倚矜預古之二富人也 讀居仁由義之訓其淵源與

博獨不如遊洙泗之門而親聆警欬灑灑可聽乎

孟子仁人

之安宅也義人之正路也曠安宅而弗居舍正路而人弗由哀哉孔子設教於洙泗之上又警欬字出莊子

知其為文章之妙也而不知其所以妙者固非操觚弄

翰銘意鑄辭而習為如是之文也

非有意於為文

想夫柱下史

之胷襟寒潭秋月之平淡也

老子嘗為周柱下史記漆說老子無心於為文

漆

園吏之懷抱剛風浩氣之橫放也

莊周為漆園吏說莊子無心於為文

說

仲之謀畧其甲兵之武庫歟

管仲無心於為文杜預傳朝野稱美號曰杜武庫

言其無所不有也

軻之學術其金玉之淵海歟

孟軻無心於為文漢舒向金玉

淵海充暢於中則洋溢於外殆亦不自知其為文矣

用蘓子由

文見冒子注繳四子無心於為文

而片言隻字蓋有後世老師鉅儒不

能髣髴其萬一者

四子之文後世文人皆不能及

此豈效規圖圓模矩

作方如統之所謂立意者哉

四子何嘗有意於為文應冒子語

嗚呼文

而以立意言固文之下者耳若老莊管孟之書又可但

以為文乎

應冒子文而出於有意已不足為文矣而況老莊管孟之書又可以文論乎

雖然

拙於文而陋於識者言之是非何足深辨

賤蕭統應破語

若夫

四子之人品則有不容無辨者焉

要將四字分優劣

夫以聃之

絕聖棄智

老聃之文如此

周之放言高論

莊周之文如此

往往蜉蝣天

地芻狗事物而付之無何有之鄉固不足以施之於天

下

蘇赤壁賦寄浮游於天地注甲蟲朝生暮死又老子天地不仁以萬物為芻狗又莊子出六極之外而遊

無何有之鄉

而切切然惟富強之是務者

史記管仲富國強兵

又童子

之所羞稱

前揚雄解嘲五尺童子羞比管晏

其於孟氏果若是班乎

三人

皆不如孟子之文正大

學孟子語 吾觀楊朱受學於聃而為我之說軻

斥之為禽獸

孟滕文公楊氏為我是無君也云云無父無君是禽獸也

仲之功業亦

以曾西之所不為

孟公孫丑上管仲云云功烈如彼其卑也云云管仲曾西之所不為也而

子為我願之乎

則是三子者固孟氏之罪人也

罵倒三子扶起孟子

其又

可以例觀乎

孟為優而老莊管為劣不可一例而觀也

愚故併及之謹論

前篇謂古人之文出於正而三家之文出於變韓愈

謂三家之文愈變則愈工蓋有所感也

此篇謂古人無心於為文而後世有心於為文蕭統  
謂四子之文為出於立意非知文者也

右二篇步驟畧同可以並看





發明題意格

唐虞於斯為盛

陳子頤

出處

論語泰伯第八舜有臣五人而天下治  
武王曰予有亂臣十人孔子曰才難不其  
然乎唐虞之際於斯為  
盛有婦人焉九人而已

立說

古人以全德為才後世以一技一能為才  
古之才全雖以一人之才亦可以周天下  
之務後世之才偏一人止於一事雖聚數  
十百人亦不能治如舜之五人皆是全才  
雖五人之少已足為唐虞之盛而況於武  
王之十人者乎以是知古人之才雖寡而  
猶以為盛初  
不在乎多也

批云

命意如與可之畫竹措辭如宜  
遼之弄丸此論中之巨擘也

論曰人才不以多寡為盛衰

古之才全雖寡而可以為  
盛後世之才偏雖多而不

足以  
為盛

顧所得者何如耳

得古之全才則為  
盛不得則為衰

夫物多為盛

少為衰古今通義也

以物理之盛衰  
比人才之盛衰

至於人才乃獨不

然何哉

人之盛衰何不  
如物設問

蓋古之所謂才者與後世異

古今

人才有  
兩樣

一技一能後世名之以為才

後世之  
才偏

而古之才

則不如是也

古人之  
才全

自其稟天地扶輿清淑之氣固已

卓立於生民之表

此是古者人  
才之天姿

而又益之以學問磨之

以師友

此是人才之學力為後面張本

迨其成也大用之則足以勝

天下國家之重

才之大者任大事

而小亦優於一職

才之小者亦辦小事

授之所向皆綽乎其有餘裕

古之人才全故可以為盛用孟子綽乎有餘裕語

如此雖一人而已足為盛況以十計乎

古之才全雖一人亦足為盛況

於武王之亂臣十人乎

孔子稱才難而有及於武王之十亂且曰

唐虞之際於斯為盛

引本文才難蓋古

朱文公釋本文云語而孔子然之也

謂周

世人才之多惟唐虞較此為盛耳夏商所不論也

朱文公釋

本文曰言周室人才之多惟唐虞之際乃盛於此降自夏商皆不能及然猶但有此數人耳是才之難得也

夫舉四海之人物而僅得十人焉已不足以言盛乃復以

舜之五臣為盛而周之十亂為益寡矣

若以數而論則十人多於五人

若以古之全才而論則不如是也古之才全愈寡而愈足為盛然則聖人之所謂才者

顧不可以意推乎

言古人全德為才與後世異

唐虞於斯為盛此當

以全才論者也益成括以有才而敗於才

孟子盡心下益成括仕於

齊孟子曰死矣盆成括盆成括見殺問曰云云曰其為人也有才未聞君子之大道也

中行氏以

智名而滅於智

智伯事見通鑑周威烈王紀又史記晉世家智伯與韓趙魏共分范中行氏以

為邑故論者每曰才德殊塗君子小人之辨也

司馬溫公曰智伯之

亡也才勝德也云云才德全謂之聖人才德兼亡一薛謂之愚人德勝才謂之君子才勝德謂之小人

居州如宋王何

孟子謂一薛居州獨如宋王何

六千君子以勾踐伯

史記

趙世家君子六千伐吳吳師敗

故論者又曰一多一寡人才盛衰之候

也

用濟川文

吁

嘆

有是哉

擺去上意

愚為易之曰

自以已意斷之

惟君子

然後能有才

惟君子則謂之才小人不可以謂之才

取人之廣非盛也衰

也

若以小人之才為才則其盛也反以為衰矣

蓋古者以成德為才後世以

一技為才

應冒古之所謂才者與後世異一段

古之才全故一人而可以

周天下之務

古者以成德為才

舉天下而得如此者數人焉則

沛乎而有餘後之才偏故一人而止於任一事

後世以一技為

才舉天下而非一事也則雖聚數十百人亦不能給雖

謂之衰可也

才之偏者雖數十百人亦不足以為盛

而況後世之所謂才

者又未必皆君子乎

應古之才者與後世異

古之君子未有不以

才名者

挈起才字說謂古之才非後世之才

以周公之聖而孔子但稱之

曰之才之美

論語如有周公之才之美使驕且吝其餘不足觀也已

左氏載元凱

之事亦惟以才子稱之

左文十八年高陽氏有才子八人天下謂之八凱高辛氏有才

子八人天下謂之八元世濟其美堯不能舉舜臣堯舉八凱使主后土以揆百事舉八元使布五教于四方

必周公元凱而後才之

總上文言古者之全才

非周公元凱而亦

才之宜乎後世之多才也

後世之才不如周公元凱之才

五行麗天與

攬搶枉矢飛流瑣細者皆謂之星

唐律歷志五行之祥應于下五緯之變彰

于上

劉向說苑秦胡亥立日月薄蝕在天光熒襲月

又爾雅彗星為攬搶形如掃帚

攬搶枉矢皆惡星名

巍巍九鼎與瓶罍甕盎升斗勺合者皆謂之器

前郊祀志禹收

九牧之金鑄九鼎象九州瓶罍甕盎等皆器之小者

君子稽乾文識坤珍不知

將以何者為大乎

稽天之文當以五行之星為大識坤之珍當以九鼎之器為大

舜之

五人五行也周之九人九鼎也

打合說譬喻極切

使虞周之臣

不足以言盛則五行九鼎亦不得以為大矣

反說有力嘗以

周之亂臣考之

且先說武王曰予有亂臣十人  
庵曰亂治也又曰亂本作古治字

晦自

周公太公畢公而下至於邑姜列名凡十

晦庵云十人  
謂周公旦召

公奭太公望畢公榮公太顛閔夭散宜生南宮适其閏  
一人謂文母劉侍讀以為子無臣母之義蓋邑姜也

門之懿姑置勿論則九人而已

除婦人邑姜之外  
只有九人

周會孟

津諸侯八百同心同德之臣至于三千

史越書八百諸  
侯一旦會于孟

津又見  
泰誓

以此九人者列於其間蓋如太倉之一粟萬馬

之一鬣亦何盛之有

且難周武王時人才如此之  
多有如亂臣九人何足為盛聖人



又引而上之至於夏商皆無稱焉

以周之才比夏商為盛

若是則

合千八百年之間獨有此九人耳

見冒朱文公注自唐堯至周一千八百年

是猶可也

又擺去上意

舜五臣也以五方十僅其半也

武王十人

已為少以舜之五人比武王十人尤為少

若取數之多而言十已不足何況

於五

舜之五臣又少於武王之十人

而聖人又以唐虞之才較周為盛

又以唐虞之才比武王為盛

豈其愈寡則愈盛物固以少為貴乎

又說難

嗟夫

以下解上難

多寡者數也

物之數則有多寡

盛衰者才也

古之才全

雖寡而猶以為盛後世之才偏雖多而猶以為衰

環天下之才一一以較其長

再演 儒者文墨武者介冑纖嗇者理財鈎距者聽訟

前漢

趙廣漢傳尤善為鈎距以得事情鈎距者設欲知馬價則先問狗已問羊又問牛然後及馬注鈎致也距閉也使對者無疑衆莫覺其所由以閉其術為距也 一人一官一士一職

應冒一技一能後世

皆名之 天下之事如絲紛蝟密不可勝舉雖竭天下之

才而治之益見其少也

言萬事之多如絲縷之亂如蝟毛之密又應原題舉天下非一

事也則雖聚數十百人亦不能給 虞周之臣皆所謂千人之英萬人之

俊

淮太族訓知過萬人謂之英千人謂之俊百人謂之豪十人謂之傑

以一而可以敵萬

一人之才何以當萬人之才應冒雖一人已足為賊 則所謂五人者固已多矣况

倍而十之豈不為盛耶

古人之才全十人之多尤倍於五人之多豈不為唐虞之盛

然虞周之才何為而能若是也其生也間氣而殊稟培

之以山嶽之渾厚淪之以江漢之清明

應冒稟天地扶興清淑之氣固

已卓立於生民之表

其少長也則父兄師保以淑其質序庠學校

以養其心仁義禮樂以充其學歲月齒髮以老其才

應冒

而又益之學問磨之師友

婉如竒植之材朝培而暮溉之

此如古之才得其涵

養數十年之後其崇干霄其大十圍採擢其一則棟梁

之用備矣

此如古者之才雖一人已足為盛況於舜之五臣與武王之九人乎

其視九畹

之蘭百畝之蕙何足道哉

此如後世之才雖百人亦不能辦事

春秋之世

雖號多才

指夫

然與九畹百畝者何異此吾夫子所以

發才難之嘆而思古之不可及也

引本

後春秋而有漢

焉武帝之世疇咨俊茂才人並出

公孫弘傳上方欲用文武求之如弗及云

云羣士咸慕異才並出

班固亦為之贊曰漢之得人於斯為盛

此以

證題極切又見下注

是以夫子贊虞周之意而贊漢也及求其所

謂得人乃皆芻牧賈孺奴僕降虜之餘

同上卜式拔於芻牧弘羊濯於

賈孺衛青奮於奴僕日磔出於降虜云云

噫異哉其所謂盛也

武帝之盛與唐虞之盛不

同  
若斯人而謂之盛吾見其衰也久矣

武帝時人才之  
偏不足為盛

用論語甚矣吾  
衰也久矣句法

固曰漢之得人於斯為盛吾則曰漢之

得人於斯為衰

以衰字反形盛  
字散場極佳

謹論

可與已集陳耆卿漢世良吏論參看



發明題意格 可與前篇參看

天子求修正之士

潘德遠

出處

賈山至言天子之尊四海之內其義莫不為臣云云舉賢以自輔弼求修正之士使

直諫

立說

士之修潔者不屑進士之正大者不苟進然人主不可以其難進而不求之也苟以其難進而不求則修潔者以退為高正大者以去為榮又安得而用之哉

批云

題常則意新意常則語新此論可謂得其髓者

論曰天下有難進之士

修潔之士不屑進正大之士不苟進

人主不可遂

其易退之心

天子要當求之不可使修潔者以退為高正大者以去為榮文中子闕子明姚義

云云子曰有以發我也難進易退

古今天下未有無士之國者

挈起士字反說

獨惟修潔之士則不屑進正大之士則不苟進

應破難進之說

然人主不可以其不屑進不苟進而遂已也

不可不求之彼

其以修潔自高以正大自負每不以進為喜

應破難進之說求

之猶恐不至而況不求之乎

歸重求字上

苟以其難進也而

已於求則彼有望望而去矣

反說不求之則修正之用孟子語修潔

者以退為高正大者以去為榮

應破易退意

國無君子斯焉



取斯

學論語魯無君者斯焉取斯

宜有以發賈山之一疏也

引賈山至言

是時文帝即位之二年也

考究當時

在廷公卿夫豈無人

謂在

當時豈無修正之人

正惟所少者修潔正大之士則亦在帝求之

而已

歸重求字

不然若人豈肯輕於來哉

反說有力

故賈山曰天

子求修正之士夫象犀珠玉之珍生於絕域皆可得而

致惟士不可以屈致

物可得而求士不可得而求

士不可以屈致而

况修潔正大之士乎

歸在修正二字上

彼好修兮餐秋英而不

顧

好修字見屈原離騷又夕餐秋菊之落英

養正則吉寧含龜而觀頤

易頤

卦頤貞吉養正則吉也

云云

求之不以道不至也

歸在求字

上語見孟子

易之蒙曰匪我求童蒙童蒙求我

見蒙卦

觀蒙一

卦則九二剛中之才實當之

同上初筮告以剛中也注謂二也二為衆陰之主也

何則湯以聘求尹也未聞以尹求湯也

孟萬章下萬章問曰人有言伊

尹以割烹要湯有諸孟子曰否伊尹耕於有莘之野湯使人以幣聘之翼翼然曰我何以湯之聘幣為哉豈若處畎畝之中由是以樂先舜之道哉湯三使往聘之既而幡然改曰與我處畎畝之中由是以樂先舜之道云

云武丁以夢求說也未聞以說求武丁

書說命上高宗夢得說使

百工營求諸野得諸傅岩云云乃當厥象俾以形旁求于天下說藥傳岩之野惟肖爰立作相文王以

卜求望也未聞以望求文王也

史齊世家呂尚以漁釣于周西伯西伯將出獵

卜之曰所獲非龍非麋非虎非羆所獲霸王之輔於是周西伯獵果遇太公於渭水之陽載與俱歸立為師

曩使有九二剛中之才無六五虛心求士之君

反綴應前蒙卦

事則尹終於耕說終於築望終於釣也已矣

三事並見上三股注

夫天下之士不少求之而不得者有矣未有不求而得

者

用孟  
子語

蓋有之矣必嗜進之士也

學論語句法蓋有之矣我未之見也

修

潔者正大者詎肯爾耶

歸重在修  
正二字上

世言項王所用者多

廉潔鯁介之士高帝所用者多頑鈍嗜進之儔

陳平傳  
平曰項

王為人恭敬愛人，士之廉節好禮者多歸之。云云令大王慢而少禮，士之廉節者不來。然大王能饒人以爵邑，士之頑鈍嗜利無恥者亦多歸焉。然大王資侮人，不能得廉節之士。願楚有可亂者，彼項王骨鯁之人，不過數人耳。云云。故頑鈍嗜進者不肯為項留，而廉潔鯁介者亦不

願為劉用

互換說

兩生之不來，豈以綿叢故歟？

叔孫通傳羣臣欲爭

功拔劍擊柱，上患之。叔孫通說上曰：「臣願徵魯諸生與臣弟子共起朝儀。」云云。通徵魯諸生有兩生，不肯行。云云。遂與所徵三十人弟子，馬上之風未歇。陸賈傳賈時陸賈傳賈時

馬上的風未歇

陸賈傳賈時陸賈傳賈時

帝罵曰：「乃公居馬騎項之習猶存。」

周昌傳昌嘗燕入奏事，帝方擁戚姬，昌還

走帝，遂得騎。昌項問曰：「我何如？」主昌殺函京洛間，彼豈謝曰：「陛下即桀紂之主也。」然尤憚昌。

北面耶

婁敬傳良曰洛陽非用武之國也關中左靖右隴蜀又用輿論語全句又石勒云若遇高祖

當北面而事之

園綺四先生高視闊步大非漢廷人物

張良傳上欲易

太子良曰此難以口舌爭也願上有所不能致者四人皆以上嫚侮士故逃匿山中然上高此四人令太子請以為客則一助也注園公太子一卑詞求之朝商山而

暮漢廷

同上於是呂后使人卑辭厚禮迎此四人四人至及宴置酒太子侍四人者從太子年皆八十

有餘鬚眉皓白云云四人曰陛下輕士臣等義不辱令聞太子恭敬愛士天下莫不延頸為太子死故臣等來

則夫高帝終身不能致之者正以非皮冠之招也

孟滕文公

下孟子曰昔齊景公田招虞人以旌不至將殺之注虞人守範圍之吏也招之當以皮冠而以旌故不至也

欽定四庫全書

古學編卷七

三葉而至文帝

自高祖過文帝來

帝豈蔽賢之主哉

用蘇東坡上神宗萬

言書云文帝豈棄才之主絳灌豈蔽賢之士

環視周行惟見蹶張吹簫之夫

爾才訥無文之人爾修乎正乎

應冒子在庭公卿豈無人中屠嘉傳嘉以材

官蹶張注弩以足蹈者曰蹶張又周勃傳勃常以吹簫給喪事又勃為人木強敦厚云云其惟少文如此又王

陵傳為當時在楚豈無穆生

鼂錯傳初楚王好書與魯中公穆生白生俱受詩於

浮丘伯云云穆生不嗜酒元王說

在齊豈無轅固

轅固齊人

也以治詩孝景時為博士云云

在濟南豈無伏生

伏生傳生

濟南人也孝文時求能治尚書者天下亡有聞伏生治之欲召時伏生年九十餘老不能行於是詔太常使掌

故鼂錯往受之

白駒皎皎金玉邀心

用毛詩全句比士之隱而不出者

不肯一

到漢廷

言上面許多人不肯來

亦懲前日嫚罵之辱以為漢家法

然爾

見前注又趙王傳趙王敖執子婿禮甚卑上箕踞嫚罵之又魏豹傳漢王嫚侮人罵詈諸侯羣臣如

耳如

大抵士之修潔者不以進為榮士之正大者常以去

為輕

應冒子修潔者以退為高正大者以去為榮

緼袍華於佩玉飲水甘於

列鼎

用古文言其雖窮猶達也

求之未必至至之未必留况欲不求

得乎

應冒子求之猶恐不至而况不求之乎

賈山一疏正望文帝之求之

也

引本文

當時修正之士僅一賈生

賈誼年十八以能誦詩書屬文稱於郡中

欽定四庫全書

卷七

九十六

河南守吳公聞其秀才召置門下云云

纔一啓口絳灌嫉之如仇矣

同上每詔

今議下諸老先生未能言誼盡為之對云云天子議以誼任公卿之位絳灌之屬盡害之曰洛陽之人年少初學專欲擅權紛亂諸事宣室之召帝宣思前日賈山之注絳侯周勃灌嬰也

言也耶

同上後歲餘文帝思誼召之至入見上方受釐坐宣室上因感鬼神事而問鬼神之本云云

然而求之名常生於不足

有則不必求

倉公之門不求醫

倉公

能醫虛人也

公輸之門不求匠

魯公輸子之巧

荆楚不求劍客

荆楚多劍

客鄒魯不求文學

鄒魯尚文學

何者其素有也

以上四樣人皆是本色自

有求更不漢猶有人尚勞當宁側席之求公卿有覲面目



矣

惟在朝公卿無修正之人所以要求修正之士

朝無人焉安得不起師慧之

歎

見左傳

謹論

右兩篇辭意俱新更無塵腐氣習



論學繩尺卷七